

# *CHISAMBIZGO PA MOSES*

 Viri makora. Chiuta wakutumbike iwe, M'bale Neville. Monire, wabwezi. Ine nkhuyera kuti ndilaŵiske pafupipafupi kuti ndimanye kwali ndi mlenji panji kumise. Enya, ine ndine wakukondwa kuŵa kuno mlenji uwu. Kwafunda, ndipo nadi imwe muli na kupokerera kuweme. Ise tirije nyengo ya kuphuka; ise tiri na chihanya na kuzizima kuno, tiri ntheura yayi ise? Chirichose chikuwoneka ngati chiri pamalo ghake yayi, munthowa yiriyose.

<sup>2</sup> Enya, icho changundipangiska ine kuchedwa, ine—ine nkhunozga nyumba. Ndipo ine nanguchita zazi na kupweteka mlenji uwu. Ndipo ine nanguwuka nyengo yiweme, kweni ine nangumanya yayi kuti mwanakazi wanguŵa na ntchito zinandi zakuti wachite, iwo wakwenera kuti wânozgere wâna wâtatu ndipo pamanyuma wânyamuke kuruta ku Sande sukulu. O, mwe! Vinandi vyakuti wachite, vinandi kuruska umo ine nangughanaghana kuti vyanguŵapo vyakuti wachite. Ndipo ine nangughanaghana, “Enya, sono...” Kumise mayiro wakagwiranga ntchito, ndipo—ndipo ine—nkhafika kufuma ku mlimo wa uneni...?...Mwe, kasi ndi ntchito yinonono kovvirapo? Hum! Ine nkhapereka sate-fayivi dolazi pa sabata yimoza kuti munyake wamugeziskenge mwana, ndipo pakaŵavye munyake wakuchita ichi.

<sup>3</sup> Munyake wakalemba nkhani mu nyuzi kuno kale chomene yayi. Nkhumanya, ichi chikuruta ku ichi yayi. Wakati iyo wakaŵa kumtunda kuno, wa ndale munyake kumtunda kuno mu Kentucky, wakati iyo wakaŵapo mu usirikali kaŵiri, iyo wakavulazikapo katatu, ngati ngwazi, iyo wakakhala umoyo wa umwenekokaya mu chigaŵa, iyo wakachita vinthu vinandi, wakathaska maumoyo gha wâna wâwiri, ndipo yumoza kufuma ku mronga ndipo yumoza ku chinthu chinyakeso, naruwa vyose ivyo iyo wakachita. Ndipo paumaliro iyo wakaghanaghana, enya, iwo wakwenera kuti wâchisunge makora chigaŵa, iyo wangamanya kupikisana nawo pa udindo. Ndipo para iyo wakati wachita, pa wantru handiredi sauzandi, iyo wakasanga mavoti ghankhonde. Iyo wakafumba sherifi usange iyo wangasanga futi yifupi yakuti yimovwire iyo kuti wafumemo mu chigaŵa, wakati, “Chikaŵa chakofya nanga nkhukhala mufupi mwa tawuni.” Iyo wakaŵavye wabwezi wakukwanira kuti wamovwire iyo kuti wafumemo mu tawuni. Ako ndi kawongero ka Chimerika, nangauli, ndi ntheura yayi? Uwo mbunenesko. Mu America, vinandi iwe ukuchita, vinandi wakukhazga kuti iwe uchitenge. Uwo mbunenesko, wakukhazga vinandi kufuma kwa iwe.

<sup>4</sup> Enya, ine nkhukhumba kuti ndipereke viwongo vyane mlenji uwu pa umo tchalitchi liriri lakutowa na lamawonekero ghakupwerereka. Ndipo apo ndizanga, iwo wānguŵa na muryango kula kuti mphepo ziyendenge makora. Ntheura icho ntchiweme chomene, waliyose uyo wali mu gulu la mathrastii kuno ndipo wakavwira kudangilira ichi. Ichō nadi chikawá chiweme chomene, ndipo ndi ntchito yiweme yakutowa. Ine nkughanaghana kuti M'bale Hall, usange ine nkunangiska yayi, wakachita ichi. Iyo ndi ntchito yiweme chomene.

<sup>5</sup> Sono, nyengo yaruta pachoko, kweni imwe mukumanya umo wānthu wātuŵa wāliri. Wonani, ili lirije nyengo yakuti, tiri nayo ise, M'bale Slaughter, M'bale Deitsman? [Wabale na wanyake wākuti, "Yayi."—Munozgi] Chirichose waka umo ise tikuchitorera ichi.

<sup>6</sup> Tikaŵa na maungano ghaweme kusika Kumwera! Kweni ine nkhayowoyapo waka mazuŵa ghachoko ghajumpha. Ine nkhapharazga myezi yinayi, mwakuŵirikizga, ndipo ine nkhaŵavye nanga ndi mazgu ghakukwanira kuti—kuti nanga nkhotokotoska. Ine nkhachitanga waka kupanga masayini kwa muwoli wane, imwe mukumanya, icho ine nkhakhumbanga, ndipo ichi chiri ngati a... Ndipo ntheura pamanyuma pa icho, ndipo pakwizaso kuno uko kukaŵa ngati kwa mphepo izi zaupusikizgi izo ise takhala tikuŵa nazo, (chifukwa, dazi limoza lakuzizima ndipo lakotcha lakurondezgako), ine nkharwara cheneko, chikhoso cheneko chakale. Ndipo ine nkhachira, mazuŵa ghangapo ghajumpha, ndipo nkhayambakoso. Ndipo ntheura ise ndise wākuwonga kwa Fumu yiweme, nangauli, chifukwa cha uweme Wake wose na lusungu kwa ise, na—na umo Iyo wali kuŵira muweme. Tikaŵa na maungano ghaweme kusika kula, ndipo Fumu yikatitumbika chomene ise, mwapakuru.

<sup>7</sup> Ndipo usiku wamara, kufupi na pakati pausiku, M'bale Wood wakandichemera ine ku nyumba yake, na M'bale Arganbright pa foni, wakukhumba ine kuti nkhayambire mu Switzerland. Ntheura, ndi kanandi chomene kurutanga kwa munthu mulara.

<sup>8</sup> Ntheura, sono, ungano withu wakurondezgako ukwamba pa eleveni mwezi ukwiza uwu, pa Cadle Tabernacle ku Indianapolis. Pa a—pa Cadle Tabernacle mu Indianapolis, kufuma pa eleveni mpaka pa fiftini. Ndipo pamanyuma, kufuma kula, ulendo kuruta—ku Minnea—...Minneapolis; kufuma ku Indianapolis kuruta ku Minneapolis, Christian Business Men.

<sup>9</sup> Sono ine nkughanaghana kuti M'bale Neville wakandiyimbira ine, ndipo ine nkhakhumba kuti ndiwoneske kwane...nipereke kuwonga kwane kwa iyo na gulu la wātatu la Neville awo wākiza ndipo wākaniyimbira ine pa

nyifwa yira, ine nkhaŵa nayo dazi kumanyuma kwa mayiro. Ndipo ine nkafumba M'bale Neville; tikaŵavye wakwimba waliwose, banja la Liddick; para Mr. Liddick wakaŵa kuti waruta Kukaya ku Uchindami. Ndipo ine nadi...usange mwana wake, ine nkhumuwona yayi iyo muno; ndipo ine nkhamanya pamanyuma kuti wakaŵa mwana wakamuleranga waka. Kumanyanga kuti dada wake wakafwanga, wambura kuponoskeka, wakachimbilira kunyumba kuti wazakanditore ine, pambere iyo...ndipo dada wake wakaponoskeka pambere wandafwe. Ntheura chinthu chikuru chomene icho mnyamata yura wakachita, chikaŵa cha kwiza kuzakatora munthu kuti wakarombere dada wake pambere wandarute. Ndipo gulu la w̄atatu la Neville likiza ndipo likawâyimbira makora chomene iwo.

<sup>10</sup> Ndipo ntheura M'bale Neville wangundifumba ine usange ine ningayowoya mlenji uwu na kumise uku, nakoso. Ntheura imwe wonani, Lemba likuti, "Rombani vinandi mwakutti imwe..." Ntheura M'bale Neville wali m'Malemba pa vinthu ivyo, chomene! Ndipo ntheura ine ndichitenge mukumanya kwane kose.

<sup>11</sup> Sono, ine nanguyowoya mlenji uwu, pakuŵa kuti ndi Dazi la Wāmama, ndipo ise tikukhumba kuti tiywoye ku a—ku wāna wāchokowāchoko. Ine nangughanaghana kuti mlenji uwu yiŵenge nyengo yiweme ku—ku wāna wāchokowāchoko. Sono ine nkhughanaghana kuti dazi la mama...

<sup>12</sup> Sono, kulije chinthu chiweme chomene pa charu chapasi, icho ise tikumanya, chakuruska mweneko, mama mweneko. Chiuta watumbike uzima wake wachikanga, mweneko, mama mweneko. Kweni ise tiri nawo wānandi chomene wākubwerekera muhanyauno awo—awo wākuchemeka "mama," awo ndi mama yayi; iwo ndi wānakazi waka awo wāli na wāna, kweni mbamama yayi. Mama-wachikale ndi yumoza uyo wakupwererera banja lake, ndipo ntha wakutandala kuwaro kumalo ghakuchezgera uku na ku madansi, ndipo usiku wose, kukhewēwāngā, kumwanga, kuchitanga nawo. Iyo ngwakwenerera yayi zina lakupatulika lira la mama. Iyo ndi mwanakazi waka, mbwenu kwamara, uyo wakulera mwana; kweni mama yayi, chifukwa *mama* liri na ching'anamuro chakulekana ku ili. Sono ine—ine nkhughanaghana kuti usange imwe...

<sup>13</sup> Sono, ku Dazi la Wāmama, ine nkhukhumba kuti nijirongosore ndamwene makora chomene. Ine ndiri na mama mulara wa mutu wa nyivwi wakhala uko, wandamwene. Ndipo ine nkhughanaghana, dazi, viri makora; kweni dazi lirilose likwenera kuŵa dazi la Wāmama, ntha limoza waka mu chirimika. Ndipo chifukwa icho vinthu ivi vya Dazi la Wāmama vikuchitikira nthena sono...

<sup>14</sup> Ndipo ine nkhuwona kuti ise tiri waka na wachoko, ndipo tose tikumanyana yumoza na munyake. Ise ndise wapachibale wa kumizi, ndipo ndicho chifukwa ise tiyowoyenge mwantheura umu.

<sup>15</sup> Ine nkhughanaghana kuti mama wakwenera kuchindikika dazi lirilose mwakuyana waka, uwo mbunenesko, mama mweneko. Ndipo, kweni dazi ili iwo wakuchema Dazi la Wamama, ndinyake yayi mu charu kweni likazuzi waka chomene la malonda, kuwakolora waka ndalamu wantru. Ndipo ndi chakukhözga soni kwa mama, Dazi la Wamama, kuti kamoza mu chirimika, "Enya, ise tikuruta yayi kukamuwona iyo, kweni ise timutumirenge iyo kampukutu kachoko ka maluwa ndipo mbwenu kwamara." Uyo ndi mama yayi! Mwe, lusungu! Mama mweneko ndi mwanakazi uyo iwe... yumoza mweneuyo wakakuleru iwe, ndipo iwe ukumutemwa iyo, ndipo iwe ukumuwona iyo ndipo ukumuyowoyeska iyo nyengo zose. Iwe ukuwoneska chitemwa chako kwa iyo nyengo yose, ntha dazi waka limoza mu chirimika.

<sup>16</sup> Kweni pambere ine nindayambe waka pa sebero lane lichoko, ine nkukhumba kuti ndiyowoye waka ichi, na kuyambiraso... Wanyake wa imwe, wanandi wa imwe, wali kufwa, wanandi wa iwo wali kuruta kufuma apo ichi chikayowoyekera. Mukawa mu 1933.

<sup>17</sup> Kasi imwe mukachiwona mu nyuzi mausiku ghachoko ghajumphu uko mwanakazi yura wakakoma mwanarumi yura? wakamuponya iyo kuwaro mu msewu wake ndipo wakayendapo kuruta kumanyuma na kunthazi na galimoto yake mpaka iyo wakamutimbwinyulira waka iyo pa msewu. Ndipo iwo wakati, a-wamanyi marango na wanyake ntheura, wakati, "Kasi icho chikukususka yayi njuwi yako?"

Iyo wakati, "Chiuta na ine tafika pa kuvuka naumo wanakazi wakuyuzgikira." Huh! Enya, iyo ndi chikozgo. Uwo mbunenesko. "Kufika pa kuvuka." Kasi charu ichi chingakhira kufika pochi? Kasi ise tirutenge patali uli kwambura cheruzgo Chauzimu, ine nkuzizwa? "Chiuta na ine"? Usange Chiuta wakawa wakususika pa ukazuzi wose uwo ukawikika pa Iyo, Iyo mbwenu wawenge Chiuta yayi, mbwenu kwamara. "Chiuta na ine"? Mwe! Chiuta walije chakuchita na chinthu ngati icho. Nkhumanya yayi para iyo wali kula mu kutombozgeka, kasi iyo wamughanaghana vichi za ichi pamanyuma? O!

<sup>18</sup> America! Sono imwe kumbukirani, usange imwe mukalembo yayi ichi, lembani ichi. Uku ndi kurosksra kwane. Mukuwona? Mu 1933, para ise tika wa na visopo kusika uku uko wakale, ine nkugomezga Mpingo wa Khristu uli kula sono, uwu kale uka wa wakale...Uwu uli nkhanira kudera uku, M'bare Neville, nkhanira kunyoroka waka kusika. Charlie Kern ndiko wakakhalanga kula. Kasi ichi ntchichi... Muzi wa

Orphan kudera uku pa Meigs Avenue. Mu 1933, ine nkhaŵâ kuti nagura waka Ford ya mu 1933, ndipo ine nkhayipatulira iyi kwa Fumu mlenji ula. Ndipo, pambere nindanyamuke ku nyumba, ine nkhwawona mboniwoni. Ine ndiri kulemba ichi, pepala lakale la yelo lichali kulindilira mu Baibolo. Ine nkhwawona nyengo yaumaliro yikwiza.

<sup>19</sup> Ndipo, imwe, kasi mbalinga ūangamanya kukumbukira umo galimoto ya mu '33 yikawonekeranga kale kula? O, iyi yikaŵâ ngati yakutalika ngati *ntheura*, ndipo yakunyamukira muchanya kumanyuma, ndipo yakudifulika kuti pakhale tayara la sipeyara. Ine nkhwawona mboniwoni, kuti, "Pambere Kwiza kwa Fumu kundachitike, kuti galimoto zizamuwoneka ngati sumbi." Kasi mbalinga ūakukumbukira kurosksra kula? Kasi walimo munyake wakhalako muno? M'bale Seward wali kuruta. Ndipo ine nkhusachizga... Mukawa mu 1933 para ise tikaŵâ na visopo kudera kuno. Ine nkhusachizga waka pafupifupi iwo wose ūali kuruta sono, kufuma nyengo yira.

<sup>20</sup> Ndipo ine nkhasachizga, kuti, "America, chiuta wawo wa nambala wanu wazamkuŵâ ūanakazi." Icho ndicho chiriko. Chirichose chikupangika chikutorera vya Hollywood. Ine ndiri na vinthu mu vyakulembeka kufuma ku fayelo ya FBI ivyo vingamanya kumuzukumiskirani imwe ku vipitika—kuti nimuphalireni waka imwe, nkhanira uko... Ndipo chasoni pa ūakaswiri aŵâ pa sinema, palije yumoza wa aŵâ, palijirethu, kwensi kuti ndi ūazaghali. Ndipo FBI yavumbura pakweru ichi mwasonosono. Ine ndiri nacho ichi kufuma ku mafayelo ghawo. Ndipo *ntheura* iwo wose kukhalanga umoyo weneula, nanga ndi ūakaswiri aŵâ pa sinema, uko iyo wakasimikizgira, iwo ūakanjira mwenemula ndipo ūakawâtora iwo, kugonananga na ūanarumi, twenty-fayivi na fifite dolazi pa usiku, mwanarumi, wose kunena na kusika, mu Hollywood na kulikose, ūakaŵâ na nyumba za kuudesi ndipo ūanarumi kumanyuma mwenemula uko iwo ūakawatumanga aŵâ ku ūanthu aŵâ. Ndipo icho ndicho ise tikukhazga, television, ndipo—ndipo kuwaro uku pa masikirini agha na vinthu, ndipo tikuzomerezga ūana ūithu kuchema icho chikozgo. Ndipo pamanyuma kumuchema yura *mama*? Uyo wali kutali chomene kuŵâ mama. Uwo ndi ukazuzi. Icho ndi ndendende. Ndipo kwensi iwo ūakupanga chiyezgerero cha nyengo. Ise tikuŵazomerezga iwo... mtundu wa malaya agho iwo ūakuvwara, wonani ūanakazi ūa ku America ūakuvwara nkhanira ngati ndi iwo, na chirichose. Nadi. Ndipo chiuta wa America ndi mwanakazi. Ntha Yehova; iwo ūali kufumako kwa Yura. Ntha kwa *mama* sono, sono ūikani icho kumphepete, icho ndi chinthu chakupatulika icho ise tiyowoyengepo; kwensi ine nkhung'anamura *mwanakazi*.

<sup>21</sup> Ndipo, kumbukirani, ine nkhusachizga kuti pambere kuparanyika kukuru kundachitike, cheneicho ine ntha nkuyowoya kuti Fumu yikandiphalira ine ichi, kwensi ine

nkhugomezga kuti chiwengepo chinyake chichitikenge panyake pakatikati pa sono panji pa nyengo yira mu '77. Ichi panyake chingiza pa ora ili. Kweni pakatikati pa sono na '77, ine nkhushachizga kuti panyake kubwanganduka kukuru panji kuparanyika kukuru kwa charu chose chapasi, pakatikati pa sono na '77.

<sup>22</sup> Ine nkhachizga ichi, mu 1933, ine nkhachizga kuti wānakazi wāzamurutirira kujivuranga ulemu ndipo charu chizamurutirira kuwa, ndipo iwo wāzamurutirira kudemereranga kwa mama, panji kuwa ngati mama ngati nttheura, mpaka iwo wakuzgoka, mwanakazi wakuzgoka chikozgo. Ndipo para pajumpha kanyengo, kuti, "America wazamuwsika na mwanakazi." Lembani ichi ndipo mwone usange uwu ndi unenesko yayi. Mwanakazi wazamutora malo gha Purezidenti panji chinthu chinyake, chikuru, mazaza ghanyake ghakuru mu America.

<sup>23</sup> Penepapo, ine nkuyowoya ichi na ntchindi, madona, para mwanakazi wafumamo mu khichini, iyo wafumapo pa malo ghake. Uwo mbunenesko. Kula ndiko kumalo ghake. Kuwaro kwa icho, iyo walije malo. Ndipo sono, ine ndine munonono yayi pa iwo, kweni ine nkuyowoya waka icho ndi Unenesko na icho Baibolo...Kale vikaŵa kuti mwanarumi wakaŵa mutu wa nyumba, kweni chira chikaŵako mu nyengo za Baibolo. Iyo ndiyoso yayi. Iyo ndi chidole, panji iyo ndi a...panji wakulera mwana panji chinthu chinyake. Ndipo sono, yayi, iwo wākukhumba kupwererera ntchewē, kuchitanga vyakulera, na kunyamula kantcheŵe kachoko mu mawoko ghawo nyengo zose, mwakuti imwe mungamanya kuchimbira uku na uko usiku wose.

<sup>24</sup> Ine ndine—ine nkuyowoya za mama yayi. Chiuta wātumbikeni iwo. Uyo ndiyo wakukhozgera charu pamoza sono, mwa hafu, ndi mweneko, muweme, wakupatulika, mama wakuponoskeka wa Chiuta. Uwo mbunenesko.

<sup>25</sup> Kweni chasoni umo kuvurika ulemu kuliri na wānakazi wīthu! Ine ndiri na kachiduswa kufuma mu nyuzi, ine nkhadumura yikati yamara Nkhondo yaumaliro iyi ya Charu chose, yachiŵiri, ako kakati, "Kasi nkharo ziweme za wānakazi wā mu America ziri kuyankhu, kuti, pamanyuma pakuhala myezi sikisi kusirya kwa nyanja, wānayi pa wāsirikali wānkonde wākapatika na wāwoli wāwo, ndipo iwo wākatengwa na mwanarumi munyake?" Ndipo wākāwālindilira yayi iwo kuti wāwerekō kusirya kwa nyanja, wāsirikali kudera kula kufwanga ku malo ghankhondo! Munthu yura uyo wakuchita icho ngwakwenerera yayi kuchemeka mama, zina lakupatulika lira. Yayi, ndicho yayi. Nttheura ine nyengo zose ndiri kuchemeka "wakutinkha wānakazi," kweni ine ndine yayi. Ine nkhughanaghana kuti mwanakazi ndi chinthu chiweme, ndipo mama, chomenechomene. Kweni iwo wākwenera kuwa

pa malo ghawo ndipo ntha kutora malo gha mwanarumi, ndipo ntha kutora malo gha Chiuta.

<sup>26</sup> Ndipo mlenji uwu ine nangupulika mpingo wa utuŵa ukuyowoya, kuti, “Mama wakuwusa nyenyezi za Kuchanya,” na chose ichi. Ine nkhumanya kulingalira za ūa Katolika kuchitanga icho pa mwali Mariya, na ūanyake ngati ntheura, cheneicho, cha kusopanga ūanakazi ūakufwa ūara, Cecilia Mutuŵa na wose ngati ntheura, cheneicho ndi mtundu wapachanya wa chigomezgo mu mizimu yakufwa. Ndicho chekha chiriko. Chirichose chakuyowoyeskana na ūakufwa ndi chigomezgo mu mizimu yakufwa. Ntheura, kuli Mukhalapakati yumoza pera pakatikati pa Chiuta na munthu, ndipo uyo ndi Khristu Yesu. Uwo mbunenesko. Kulije mutuŵa munyake, kulije munyake kuwaro kwa Fumu Yesu Khristu kweni Yumoza pera Uyo ndi Mukhalapakati pakatikati pa Chiuta na munthu. Kweni para ine nkhuwona mipingo, nanga nkukhalanga kumanyuma kwa gome, kapatulika kose kwatoreka kufuma kwa Khristu ndipo kwaperekeka kwa mama, kapatulika kose kwatoreka, pamanyuma—pamanyuma iwo ūakuyambapo ndipo apo imwe muli.

<sup>27</sup> Ntheura, kweni waliko mama mweneko wakhalako. Warumbike Chiuta! Kuyana waka para imwe mukuwona mupusikizgi; waliko Mukhristu mweneko uyo nadi wakukhala umoyo weneko. Uko imwe muli na kuzomerezga, imwe muli na kususka. Uwo mbunenesko ndendende. Ndipo sono, mama wa mtundu ula na mwana wa mtundu ula, ise tikukhumba kuti tiyowoyepo za ichi sono mu Baibolo.

<sup>28</sup> Sono ine nkuzizwa, kasi ndi ūanyamata na ūasungwana ūachokowachoko ūalinga tiri nawo muno mlenji uwu? Usange imwe mukapulika kuyowoya kwa M'bale Neville mayiro.... Kasi ndi ūanyamata na ūasungwana ūachokowachoko ūalinga ūangakhumba kuti ūafike kuno na kukhala pa mpando wapanthazi apo ine nkuyowoya kwa imwe? Kasi imwe mukukhumba kuti mwize kuno? Ulipo umoza, yiŵiri, yitatu, yinayi, mipando fayivi kuno; umoza uku, yiripo sikisi, na mipando yinyake yichokoyichoko kudera uku. Kasi imwe mukukhumba kuti mwize kunthazi, mwa ūanyake ūachokowachoko imwe mungamanya kuruta kwambura mama winu, ndipo mukukhumba kuti mwize kuno? Imwe ndimwe ūakupokerereka chomene! ūamama zaninge... [M'bale Neville wakuti, “Pali ūanandi; ūanandi ūa iwo ūali mu chipinda cha Sande sukulu.”—Munozgil] O, iwo ūali mu chipinda cha Sande sukulu. Enya, icho ntchiweme. Ise tilindizgenge maminiti ghachoko, ndipo tiyowoyenge, ndipo iwo ūawenge kuti ūafuma mu maminiti ghachoko. Ndipo ise tiwunganenge waka pamoza, ūalara pachoko ūafipa, na ūaswesi, na ūa maso gha blu, kumtunda uku, na—na kuyowoya kwa waliyose wa iwo. Sono,

kasi mbalinga wâkuyitemwa Fumu? Yowoyani, “Amen.” [Gulu likuti, “Amen!”] Viri makora.

<sup>29</sup> Sono ine nkukhumbwa kuyowoya ku wâmama na wâna, ndipo ichi charunjika kwa iwo.

<sup>30</sup> Usiku uwu, usange Fumu yazomerezga, ine nkukhumbwa kuti ndiyowoye pa munthondwe wakudankha uwo Yesu wakachita, na umo uwu ukachitikira, ndipo na mazaza uli, ndipo kasi Iyo wakachita vichi para Iyo wakati wachita Wake... Kasi mbalinga wâkumanya kasi munthondwe wakudankha ukâwa vichi uwo Iyo wakachita? Yoyowoyani uwu, mose pamoza: “Wakazgora maji kuâwa vinyo.” Uwo mbunenesko, munthondwe wakudankha Iyo wakachita. Sono, usange Fumu yazomerezga. Apo ine ndâwazganga, mlenji uwu, ichi changwiza waka pa malingaliro ghane.

<sup>31</sup> Ine nkhuwona kuti tiri na mubwezi withu muweme, Mr. na Mrs. Yeker kumanyuma uko, ine nkugomezga, mlenji uwu. Ine mbwenu vyanguchitika waka kuti nanguâawona iwo apo ine nangung'anamukira kudera uku. Dazi linyake ine nkharuta kukapimiska; ine nkuyenera kuti nirutirizge kupimiska chifukwa cha ntchito ya kusiryâ kwa nyanja. Ndipo, para ine nanguti nafuma kuwaro, kasi ine nangukumana na njani kweni Mr. na Mrs. Yeker, wâkhala kuwaro uko mu ofesi—ofesi.

<sup>32</sup> Dr. Schoen, mu Louisville, m'bale muweme chomene Mukhristu. Ine nkhumuphalirani imwe, ine nkakumana na mwanarumi mweneko kula, wanadi uyo wakagomezga mwa Chiuta ndipo wakuâwika chigomezgo chake mwenemula. Imwe mukumanya kasi? Ine ndimuphalireninge imwe. Ine nkhusanga madokotala ghanandi ghakugomezga mu machirisko Ghauzimu kuruska umo ine nkuchitira pa wapharazgi. Uwo mbunenesko. Iwe uwayowyiske iwo. Wâkuti, “Nadi.” Ndipo para iyo... Para ine nkanyamuka kuti ndirutenge, iyo wakatora woko lane, iyo wakati, “M'bale Branham, iwe ukuwâchitira vinandi wânthu kuruska ivyo ine ningamanya kuchita.” Iyo wakati, “Uwo mbunenesko.” Wakati, “Iwe ukumanya kovwira wânthu awo ine nanga ningâwfika yayi.” Wakati, “Uwo mbunenesko.”

<sup>33</sup> Ine nkhati, “Enya, nkhumanya, iwe ungamanya kusoka, panji kuâwika makora chiwanga, panji chinyake ngati icho. Kweni Chiuta ndiyo wakuchizga.”

<sup>34</sup> Iyo wakati, “Uwo mbunenesko.” Amen. O, ine nkutemwa kuwona wâmalinaliro ghakuzama, wânthu wâkughanaghana mwazeru. Ine nkughanaghana za opareshoni, na za dokotala wa mankhwala, na za wa vyamisempha, waviwanga, machirisko Ghauzimu, na wose pamoza, usange chinyake cha ivyo chingamanya kovwira munyake, ine nkukhozgera ichi. Ndipo para imwe mwawona dokotala wakususka mupharazgi; mupharazgi wakususka dokotala; ndipo wa

viwanga wakususka—wakususka wa maopareshon; wa maopareshon wakususka dokotala wa mankhwala; imwe mungamanya kulingalira ichi, pali chakulinga cha uzukusi pamalo ghanyake. Uwo mbunenesko, chifukwa waliyose wa iwo wasimikizgira kuti iwo wakovwira munyake. Uwo ndi unenesko ndendende.

<sup>35</sup> Sono nkhani apa njakuti, ine nkughanaghana, usange vyakulinga vithu nviweme, ndipo mitima yithu yiri nkhanira pa wantru, ise tose tikwenera kuti tigwirenge ntchito pamoza kuti tivwire munthu munyithu, kuti tipange umoyo uphweke. Ndipo ntheura vyakulinga vyinu ndi vyambura uzukusi, kuperekanga marumbo kwa Chiuta Uyo wakupereka vinthu vyose kwaulere. Amen. Enya, bwana. O, ise tingawanga na uzukusi uliwose yayi kulikose; ichi chikwenera kuwa chakufikapo.

<sup>36</sup> Usange wa vya misempha wangamanya kowwira *uyu*, ndipo wa viwanga wangavwira yumoza *uyu*, wa maopareshon wangavwira yumoza *uyu*, ndipo chinthu chinyake chivwire yumoza *uyo*, tiyeni tirombere chose ichi, amen, mwakuti Chiuta wangamanya kowwira waka wantru Wake wakutemweka kuti wa we makora na wakukondwa. Chifukwa, ise tirije nyengo yitali chomene yakukhalira kuno, mazuwa waka ghachoko ndipo ise tiri pa ulendo, kuruta kumalo kunyakeso. Ntheura icho ise tikuyezga kuchita ndi kupanga umoyo kuwa waka wakuphweka pachoko mwakuti imwe mungamanya kuwa na nyengo yiweme apo imwe muli kuno. Amen.

<sup>37</sup> Sono pa ghanoghano ili, tiyeni tisindamiske mitu yithu pambere tindajure Baibolo, ndipo tiyowoye kwa Muponoski withu wakutemweka.

<sup>38</sup> Wachisungusungu withu, Wadada Wakuchanya, ise tikwiza mwakujikhizga chomene mlenji uwu mu Kuwapo Kwinu, ndipo tikumuwongani Imwe kuruska chirichose icho chikawa pa charu chapasi, panji icho chizamkuwako, chifukwa cha Fumu Yesu Khristu. Pakuti, Iyo wakawa Yumoza Uyo wakagumaniska munthu na Chiuta pamoza, ndipo wakatiphemaniskira ise wakavu wambura kwenerera, walendo wambura uchiuta, kutali na Chiuta, mwa—mwa kusankha, kwa tawene, ise tikatora kusankha kwithu tawene ndipo tikaruta kutali na Iyo. Ndipo Iyo wakawa muweme kuti wize, ndipo apo ise tika wa wambura kukondwereska kwa Chiuta, apo ise tika wa wakwananga, kutali na Chiuta, Iyo wakatiphemaniskira ise kuwerera ku Wadada, kwizira mu kuthiska kwa Ndopa Zake Yekha.

<sup>39</sup> Umo ise tikumuwonderani Imwe chifukwa cha Iyo! Ndipo muhanyauno wayimirira ngati Mukhalapakati, Yumoza pera pakatikati pa Chiuta na munthu, Uyo wangamanya kupanga lurombo lifike mu Kuwapo kwa Chiuta, kwizira mu gome la Ndopa Zake Yekha izo Iyo wakathiska kufuma pasi kuruta ku Uchindami. Wakiza mu charu ichi kwizira munthowa ya

chiŵaya, wakababikira mu chakuryeramo viŵeto. Wakafumamo mu charu, kwizira mu chilango chakuchita kukomeka. Charu chikamukhumba yayi Iyo. Kuchanya kukamupokerera yayi Iyo, chifukwa Iyo wakâwa wakwananga, Iyo wakâwa na zakwananga zithu pa Iyo. Charu chikamukhumba yayi Iyo. Iwo âwakamukana Iyo, “Kutali na Munthu wantheura!” Iyo wakâwa nanga... wakaŵavye nanga ndi malo ghakubabikirapo, panji malo ghakufwirapo. Ndipo Iyo wakalendera pakatikati pa Kuchanya na charu chapasi; Kuchanya kukamupokerera yayi Iyo, nesi charu chapasi kumukhumba Iyo. Ndipo Iyo wakafwa, ndipera, kuti watiponoske ise ku kwananga, kuti wachizge urwari withu, kuti watipe ise chimwemwe na kukhala kuweme apo ise tikaŵa pano pa charu chapasi. Muponoski uli! O, umo ise tikumuwongerani Imwe chifukwa cha Iyo!

<sup>40</sup> O Chiuta, zomerezgani kutemwa kwithu kose kwa mtima withu kupungulike kwa Iyo, ndipo Iyo pera. Mphanyi ntchindi zose na kusopa kose, chirichose icho chikufumira mu milomo yithu panji mitima, mphanyi ichi chiŵikike pa Iyo Uyo ngwakwenerera vyose, Iyo Mweneuyo wakakhala pa Chizumbe dazi limoza, na Buku mu woko Lake. Kukaŵavye munthu Kuchanya panji pa charu chapasi wakaŵa wakwenerera panji wankhongo nanga nkhuławiska pa Buku, panji kuti wasutule Vididimizgo ivyo vikakaka Ili. Ndipo Mwanamberere uyu uyo wakakomeka, lufura la charu chapasi, wakiza, wakatora Ili kufuma mu woko Lake, wakajura Vididimizgo ndipo wakavumbura a—Mazgu, ku ânthu.

<sup>41</sup> Ndipo, Wadada, ise tikuomba muhanyauno kuti Mzimu Mutuŵa Wake usuture mitima yithu ku mdima wake wose, usuture lilime lithu ku chose icho ntchiheni, ugowokere zakwananga zithu zose, na kufumiskapo mdima wose, ndipo wanjire mu mitima yithu mlenji uwu.

<sup>42</sup> Ndipo chomenehomene âana âachokowâachoko aŵa, Chiuta, âatumbikeni iwo apo iwo âakhala muno mlenji uwu na mama wawo wakutemweka. Chiuta, umo ise tikumuwongerani Imwe chifukwa cha umama, chifukwa cha âanakazi âweneko! Mkatikati mwa mdima wose uwu na kusopa vikozgo, na ukazuzi wa chivundi cha charu, kweni ise tiri nawo âweneko, âamama âweneko. Umo ise tikumuwongerani Imwe chifukwa cha iwo! Wanichi na âwalara, wose mwakuyana, ise tikumuwongani Imwe, Wadada, chifukwa cha umama weneko. Ndipo ise tikuomba, Chiuta, kuti Imwe muâtumbikenge iwo.

<sup>43</sup> Kuwonanga, âakhala muno mlenji uwu, âabale na âwlongosi withu âanandi âavwara maluŵa ghatuŵa panji twakumatikapo tutuŵa na maluŵa, kung'anamuranga kuti mama wawo mutuŵa wakutemweka wayambukira kuseri kwa chidiko, wali sirya linyake; ntha wakufwa, kweni wamoyo muyirayira. Dazi linyake iwo âazamkwiza, nawoso, kusika ku

mronga, ndipo kula iwo wazakumuwonaso iyo, kusirya linyake. Wanandi wavwara maluwa ghaswesi, mama wachali pano. Ise tikumuwongani Imwe pa icho.

<sup>44</sup> Tikuomba kuti Imwe mutitumbikirenge ise pamoza apo ise tikusambira Mazgu Ghinu, pakuti ise tikuomba ichi mu Zina la Khristu. Amen.

<sup>45</sup> Sono Fumu yimutumbikeni imwe. Ndipo ise tiyambirenge nkhanira pa Mazgu mlenji uwu. Sono, chakudankha, pambere tindachite sebero lichoko ili, ine nangughanaghana za wamama na wana wachokowachoko... Ndipo iwo panyake wandipulikenge ine, chifukwa chinthu ichi chiri na mazgu ghakuru. Ndipo ine ndichitenge sebero pachoko, chifukwa ine nakhala nkhuwona visopo vyane sono, nyengo zinyake masebero ghakowwira chomene. Kasi imwe mukughanaghana ntheura yayi? Wana wachokowachoko wakupulikiska makora ichi. Ine nkhuwona wachokowachoko wangapo, wanyamata wamaso ghakuwara wali chikhali, wakulawiska kwa ine sono, awo wazamkuwa madoda gha namachero usange machero ghaliko.

<sup>46</sup> Ndipo sono pambere ise tindawé na sebero lirilose, panji chinyake chirichose icho chikuchitika mu tchalitchi, ichi chikwenera kuwa na lufura la Baibolo. Amen. Ichi chikwenera kuwa na lufura la Baibolo. Chakudankha, tiyeni tose tijure ku Mateyu, chipatulo 16 ndipo vesi 25, ndipo ise tiwazgenge mavesi agha. Chakudankha, apo ise tikuwazga, kunozgekeranga, panyake kufika nyengo yira wana wachokowachoko wawenge kuti wafuma. Sono Mateyu 16:25, ise tikuwazga ichi:

*Pakuti yose uyo waponoskenge umoyo wake wati wautayenge uwu: ndipo yose uyo watayenge umoyo wake chifukwa cha ine wati wausangenge uwu.*

<sup>47</sup> Sono, ili ndi Lemba lakukhumbikwira chomene. Tiyeni tose tiwazge ilo pamoza. Kasi imwe mukuti vichi? Waliyose, wana wachokowachoko na tose, pamoza sono. [Mbale Branham na gulu wakuwazga Lemba ili pamoza—Munozgi]

*Pakuti yose uyo waponoskenge umoyo wake wati wautayenge uwu: ndipo yose uyo watayenge umoyo wake chifukwa cha ine wati wausangenge uwu.*

<sup>48</sup> Imwe mukumanya, wanyamata na wasungwana, ndipo ine nkhumanya walarako wakondwerenge nalo ili chimozimozi ngati ndiumo wana wachitirenge. Kweni, Lemba ilo ndakukhumbikwira chomene! Ndipo Malemba ghanyake ngakukhumbikwira chomene mwakuti Chiuta wanika ichi mu ma Ivangeli ghose ghanayi: Mateyu, Marko, Luka, na Yohane. Kweni, ichi chikawa chakukhumbikwira chomene mpaka Iyo wakawikamo kankhonde na kamoza mu Ivangeli! Kankhonde

na kamoza ichi chikayowoyeka kufuma pa milomo Yake Yekha, Yesu.

<sup>49</sup> Sono uko mu Marko, ise tijurenge kudera kula, ku chipatulo 8 cha Marko, ndipo tiyambire na vesi 34, ndipo ine ndiwazgenge ghanyake kula. Ndipo ine nkukhumba kuti imwe muwoneso uku kamozaso, na kurutirizga kuchoko waka kwa ili uko Yesu wakayowoya ichi. Ndipo kumbukirani, Iyo wakawika ichi kankhonde na kamoza mu Ivangeli, mwakuti ichi chingamanya kuwa chakusimikizgika! Wawiri ndi ukaboni, kweni Iyo wakawika ichi katatu mwakuti, wonani, mwakuti muwoneseske kuti imwe mukukumbukira ichi.

*Ndipo para iyo wakati—para iyo wakati  
waŵachemera ntheura wantru kwa iyo na ūwasambiri  
wake nawoso, iyo wakanena nawo, Uyo yose  
wandirondezgenge ine, mulekani iyo wajikane  
iyoyekha, . . . wanyamure mphinjika yake, ndipo  
wandirondezge ine.*

<sup>50</sup> Sono, yumoza wa wakutanthauzira wakuti, “Wanyamure mphinjika yake ndipo wandirondezge Ine dazi lirilose.” Sono, sono vesi 35. Tegherezgani:

*Pakuti uyo yose waponoskenge umoyo wake wati  
wautayenge uwu; kweni uyo yose wati watayenge  
umoyo wake chifukwa cha ine na cha ivangeli,  
mweneyuraso wati wauponoskenge uwu.*

*Pakuti kasi kukumwandulira vichi munthu, usange  
iyo waphindulenge charu chose, na kutaya uzima wake  
yekha?*

*Panji kasi munthu waperekenge vichi mu kusinthana  
na uzima wake?*

<sup>51</sup> Sono tiyeni titore vesi 35 ili ndipo tiwerezge ili pamoza sono. Viri makora. Sono tiyeni tiyowoye ichi pamoza. Ise titorenge Marko 8:16, sono tiyeni tiyowoye ichi pamoza; Marko 8:16, nkupempha chigowokero chinu, Marko 8:16, 35. Yayi, ine nawindaso ili. Marko 8, mundigowokere ine. Marko, Marko Mutuwa, chipatulo 8, vesi 35. Sono tiyeni tiyezge ichi. Marko Mutuwa, chipatulo 8, vesi 35. Sono ise talisanga ili. Tiyeni tiwazge ili. [M'bale Branham na gulu wakuwazga Lemba ili pamoza—Munozgi]

*Pakuti uyo yose wati wasungenge umoyo wake wati  
wautayenge uwu; kweni uyo yose wati watayenge  
umoyo wake chifukwa cha ine na cha ivangeli, . . . wati  
wauponoskenge uwu.*

<sup>52</sup> Icho ntchakuzukumiska? Sono, ise tirutirirenge munthazi na nkhanu yithu yichoko, ndipo apo wana wakwiza iwo watorenge malo ghawo. Wakovwira wakuwawonerera iwo apo iwo, mwakachetechete . . . imwe wonani usange imwe

mungaŵanjizga iwo muno, apo ise tikutora na kupereka nkhanî yithu. Ise tikhazikenge ichi, mlenji uwu, pa seŵero. Ndipo ine, nyengo zinandi, kuno mazuŵa ghachoko ghajumpha ine . . .

<sup>53</sup> M'bale na Mlongosi Wood wakawâ na ine, ine nkhusangira, kumtunda kula ku ungaro waumaliro, ndipo ine nkayowoyanga pa Christian Business Men's Breakfast. Ndipo ine nkhanira, kutsa seŵero lichoko la Zakeyu mu a . . . muchanya mu khuni la chikuyu, ndipo, para Yesu wakati wafika pafupi, na umo iyo wakatorera chithini cha viswaswa, imwe mukumanya (ndipo nkhasewera ili), ndipo wakakwera muchanya mu khuni, kuti wamuwone Yesu; munthu wa bizinesi wakhala muchanya mu khuni, imwe mukumanya, kubisamanga kwa Yesu. Ndipo Yesu wakamanya yayi apo iyo wakawâ, ngati kuti, imwe mukumanya. Ndipo pamanyuma iyo wakati, "O, iwo wakundiphalira ine kuti Munthu yura wakamanya vinthu ndipo wakamanya kuroskena vinthu, ndipo wakamanya uko somba yikawâ na kopala. Ine nkhusangira, yayi ichi." Ndipo Yesu wakayenda nkhanira kusi kwa khuni. Ndipo iyo wakati, "O, Iyo wangandiwona yayi ine, ine nakhala muchanya mu khuni."

<sup>54</sup> Yesu wakayimirira ndipo wakalâwiska kuchanya, ndipo wakati, "Zakeyu, khira." Ntha wakamanya waka pera kuti iyo wakawâ muchanya mula, kweni Iyo wakamanya kasi iyo wakawâ njani.

<sup>55</sup> Ntheura ine nkughanaghana kuti seŵero lichoko nyengo zinyake likovwira wantru walara, wanyamata walara na wasungwana, chimozi na wanichi.

<sup>56</sup> Ntheura sono imwe panyake mundifumbenge ine, para uwu wamara, "M'bale Branham, kasi iwe ukuzisanga nkhu nkhanî za wantru âwa na mazina?" Zinyake za izi, ine ndiri kovwirika na mubwezi wane muweme, M'bale Booth-Clibborn. Ndipo munyake, wakuthyika Josephus, wamudauko mulara. Ndipo pamanyuma mabuku pa mudauko agho ine ndiri kuwazga, gha chakuchitika ichi, na vinyake ntheura. Ndipo umo ndimo ine nkhusangira nkhanî zane pa icho ise tiperekenge mu seŵero mlenji uwu, pa ichi.

<sup>57</sup> Ine nkhuwona wana withu wachokowachoko wakufuma sono, ndipo pa chifukwa cha nkhanî iyi mlenji uwu yeneiyo ise tiperekenge. Sono imwe wanyamata wachokowachoko na wasungwana, usange imwe mungakwaniska, wose awo wakukhumba, zanine nkhanira kuno kunthazi. Ise tiri na mipando yinkhonde panji sikisi yambura wantru. Usange imwe mungakhumba kuti mwize nkhanira kuno, ise tiwengenê wakukondwa kuwa na imwe. Iwo wakwiza waka mu nyengo kupukwa seŵero lichoko kuno.

<sup>58</sup> Ndipo sono umo ndimo ine nkuchitira kusanga nkhanî iyi, umo ine nkhuysangira iyi. Munyake panyake wangamanya kwiza na kuti, "Enya, ine nkhaŵazgapo yayi gaŵo ilo mu

Baibolo.” Kweni, usange iwe ukachita yayi, mudauko ukachitora ichi, imwe wonani. Ntheura yose ndi nkhanji yeneyira, kweni kuti waka yaperekka mu a—a—mawonekero gha sewero pachoko.

<sup>59</sup> Ndipo, ntheura, ndicho chiriko! Ndicho chiriko! Uyo ndi munung’una wako muchoko? O, iyo nadi wakukozgana na iwe! Ndipo iyo ndi mnyamata muweme. Iwe ungamanya kuphara waka kuti iyo ndi muweme. Viri makora.

<sup>60</sup> Sono imwe mukukhumba kuti mwize kuno na kukhala pasi uku? Pali ḫwasungwana ḫachokowachoko ḫawiri, panji ḫwasungwana ḫachokowachoko ḫatatu. Mwe, icho ntchiweme waka na chakunyadiska! Sono ine nkukhumba...Nkhanji yichoko iyi mlenji uno njá ḫwasungwana na ḫanyamata ḫachokowachoko. Missus Collins, ine nkugomezga iwe ndiwe uko, na mlongosi munyake muchoko; iwe ukukhumba kuti urute nkhanira kudera kula, wakutemweka, na kukhala pasi. Enya, ine nkugomezga ghaliko malo nkhanira uku, usange dona wangamanya—wangamanya kusuntha chikwama chake. Ndipo—ndipo ntheura nkhanira kudera *uku* kuli mipando yingapo kudera uku.

<sup>61</sup> Ine nkukhumba ḫanyamata ḫachokowachoko wose aŵa na ḫwasungwana kunthazi kuno, mwakuti ine ningamanya kuyowoya kwa iwo. Kuno, kuno ise tiri na mipando yinyake kuno. Ise tiwone waka kuti imwe mukutora mipando yinyake. Enya, bwana. Ḫanji ḫa iwo ḫativwirenge ise nkhanira uku. Ntheura, ise tikukhumba kuti ili liŵe waka ku ḫanyamata na ḫwasungwana ḫachokowachoko aŵa. O, mwe! Ntchiweme yayi icho? Sono icho ndi...Ine nkugomezga imwe mukwenera kuti muŵe na yinyake pachoko yakusazgirapo, M’bale Neville, ine nkhuwona ḫangapo ḫakusazgikirapo ḫakwiza. Ndipo sono icho ntchiweme waka!

<sup>62</sup> Kasi ndi ḫamama ḫalinga ḫali muno? Kwezgani woko linu. O, icho ntchiweme! Sono, icho ntchiweme waka na chakunyadiska.

<sup>63</sup> Sono usange imwe ḫwasungwana ḫachokowachoko kumanyuma mukukhumba kuti mwize kuno, zaninge nkhanira kunthazi, usange ndimwe ḫalara ḫakufikapo kuti mungakhala kutali na amama. Ndipo amama ḫakukhumba kuti ḫíwe nawe uku, enya, ḫaphalire iwo kuti ḫafike. Ili ndi la ḫamama, nawoso. Viri makora, sono.

<sup>64</sup> Ine nkhumphalirani imwe, mwaŵana, ise tiwazgenge waka vesi. Kasi mose imwe mukukhumba kuti muwerezgepo ili pamoa na ine? Kasi mose imwe mukukhumba kuti muwerezgepo vesi ili pamoa na ine? Sono, ili likusangika mu Mateyu Mutuŵa, chipatulo 16 ndipo vesi 25, ndicho ise tiyowoyenge. Sono ḫachokowachoko aŵa...Mnyamata na msungwana waliose muchoko, mlenji uwu, wawerezgepo ili pamoa na ine sono: [ᬁanyamata na ḫwasungwana ḫakuŵazga

pamanyuma pa M'bale Branham—Munozgji] Nkhuti, "Mateyu Mutuŵa, chipatulo 16, vesi 25." Sono imwe muwerezge pamoza na ine: "Pakuti uyo yose wati waponoskenge umoyo wake wati wautayenge uwu; ndipo uyo yose watayenge umoyo wake chifukwa cha Ine wati wauponoskenge uwu." Wati wauponoskenge uwu. Tiyeni tiyowoye ichi kamozaso: "Uyo yose wati watayenge umoyo wake chifukwa cha Ine wati wauponoskenge uwu." Kunozga!

<sup>65</sup> Sono, wanyamata na ūwasungwana, imwe mukumanya kasi? Muli vinthu vinandi mu charu ivyo ndi vyakuzirwa chomene. Ndipo chimoza cha vinthu ivyo ndi, imwe muli nacho chiria imwe muhanyauno, ndi uzima uwo uli mkati mu thupi ilo. Ndipo icho ndi chinthu chakuzirwa chomene mu charu, kwa imwe. Ndi unenesko uwo, amama? Yowoyani, "Amen." [Wamama ūwakuti, "Amen." —Munozgji] Chinthu chakuzirwa chomene icho imwe muli nacho ndi uzima winu. Ndipo sono usange imwe mukusunga uzima winu, ndiko kuti imwe muwutayenge uwu. Ndipo usange imwe mutayenge uzima winu, ntheura imwe muwuponoskenge uwu; usange imwe mukutayira uzima winu kwa Yesu, wonani. Mu mazgu ghanyake, usange imwe mukugomezga pa Yesu, imwe mukuzgoka musambiri Wake. Ndipo ntheura usange imwe mwapereka umoyo winu kwa Yesu para imwe ndimwe mwanichi ngati ntheura, ndipo ntheura imwe murutenge ku... Iyo wauponoskerenge uwu ku Umoyo wamuyirayira. Kweni usange imwe—usange imwe mukukhumba kuti muwusunge uwu, imwe mutayenge uwu; enya, imwe mutayenge. Imwe mukukhumba kuchita ngati ūwasungwana na wanyamata ūwanyake aŵa kudera uku, na kuruta na kukachita ngati ndiumo iwo ūwakuchitira, ntheura imwe muŵenge—imwe muŵenge—imwe mutayenge uwu. Kweni usange imwe mukukhumba kupereka umoyo winu kwa Yesu, ntheura imwe muwuponoskerenge uwu ku Umuyaya na muyirayira.

<sup>66</sup> Sono, imwe mukumbukire icho sono, kuti ichi ndi chinthu chakuzirwa chomene mu charu chose, ndi uzima winu uchoko. Ndipo usange imwe mukuwsunga uwu, imwe mutayenge uwu; usange imwe mwapereka uwu kwa Yesu, imwe mwauponoska uwu. Kasi imwe mungayowoya icho pamoza na ine? Usange... [Wanyamata na ūwasungwana ūwakuwerezga pamanyuma pa M'bale Branham—Munozgji] Nkhuti, "Usange ine nkhusunga uwu, ine nditayenge uwu; ndipo usange ine nkhperekwa uwu kwa Yesu, ine ndiuponoskenge uwu." Ndicho chiriko! Sono imwe mwapulikiska ichi. Kasi icho ntha...

<sup>67</sup> Ūwamama mose mukughanaghana kuti icho changuŵa chiweme, yowoyani, "Amen." [Wamama ūwakuti, "Amen!" —Munozgji] O, icho ntchiweme! Icho ntchiweme.

<sup>68</sup> Sono, imwe wonani, pali chinthu chimoza imwe mungamanya kuchita. Sono, imwe rutirirani. Usange iwo

ŵakukhumba kuchita ngati ichi, na kuŵa na vyakukhumba yyawo vya charu...Usange ŵanyamata na ūwasungwana ŵakukhumba kuruta kuwaro kula na kukachita vinthu, na kuyowoya nkhani na kuyowoya vinthu ivyo nvyakwanangika, na—na kupusika na kwiba, na—na kuchita vinthu mwauheni, na kukoperana ku sukulu, na vinthu, rutirirani; iwo ŵataya. Iwo ŵataya uwu. Kweni usange imwe muperekenge uwu kwa Yesu, iwo ŵachitenge yayi icho, ndipo ntheura ichi chiwuponoskenge uwu. Icho ndicho imwe mukukhumba kuchita. Ndicho yayi ichi?

<sup>69</sup> Sono ise tiyambengopo nkhani yithu yichoko. Sono, apo ndi pakuyambirapo pithu, sono imwe mukumbukire icho. Sono tiyeni tiyambeko nkhani yithu yichoko. Sono, ku mwawānthu ūlara, na ku a—ŵadada na ūamama, imwe mutegherezge, namweso, sono; imwe, chomenechomene imwe ūamama na ūadada. Sono mbwenu...ndipo ise tiyambengopo. Imwe mukuzitemwa nkhani zichokozichoko? Mukuchita imwe? O, ine nkhuzitemwa waka izi! Chomenechomene sono...Imwe mukuŵazga nkhani zinandi chomene izo ndi zaunenesko yayi. Kweni nkhani iyi njaunenesko, Unenesko wakufikapo, Lizgu lirilose la iyi. Iyi yiri mu Baibolo la Chiuta, ntheura iyi yikwenera kuŵa Yaunenesko, wonani, chifukwa Agha ndi Mazgu gha Chiuta. Mazgu gha Chiuta ndi Unenesko.

<sup>70</sup> “Sono, imwe mukumanya,” wakati, “Ine ndavuka chomene. Ine—ine ndine—ine ndavuka chomene kuti ningafwa.”

<sup>71</sup> “Enya,” wakati, “ungaruta yayi iwe m’chipinda cha muchanya na kukagonapo tulo? Ūkagone pasi pa bedi, pa sofa muchanya mula, na kugona tulo.”

<sup>72</sup> Iyo wakati, “Kweni, o, ine ndavuka chomene.” Iyo wakati, “O, wakutemweka, usange iwe ukachiwonenge icho ine nanguwona muhanyauno! O, ine ndine...Ine, kasi...Ine nkhuchikhumba yayi nanga ndi chakurya chakugonera! O, ichi ntchakofya, mawonekero agho ine nanguwona muhanyauno!”

Wakati, “Enya, kasi changuŵa chivichi icho iwe wanguwona?”

<sup>73</sup> Nkhati, “Enya, ine ningakuphalira yayi iwe, panthazi pa ūana, o, ichi ntchakofya chomene! Mwe, ichi changuŵa chiheni!”

“Enya, kasi changuŵa chivichi icho iwe wanguwona?”

<sup>74</sup> “Enya, ine nkhuruta m’chipinda cha muchanya ndipo namugonapo pachoko waka, ndipo pamanyuma—ndipo ntheura para tarya chakurya chakugonera para taŵagoneka ūana wose, ntheura ine ndikuphalirenge icho changuchitika muhanyauno.”

“Viri makora,” iyo wakayowoya.

<sup>75</sup> Ndipo m’chipinda cha muchanya iyo wakaruta. Iyo wakagona pasi. “O, wakavuka chomene! O, mwe!” Imwe

mukumanya umo dada wakuŵira para iyo wavuka, wavuka waka chomene!

<sup>76</sup> Ndipo pakati pajumpha kanyengo, msungwana muchoko wa maso ghakuŵara, iyo wakayamba kuchimbira uko na uko mu baraza, na kuyowoya mwakukwezga pachoko. Wakati, “Sh-sh-sh, sh-sh-sh, kuchita nthena yayi. Iwe umuwuskenge dada. Ndipo, o, iyo wavuka chomene mpaka iyo—iyo wakakhumbanga kuti wafwe. Iyo wakakhumba yayi kukhalaso wamoyo. Ndipo usange dada wavuka ntheura, enya, ise timuzomerezge iyo wagonepo kanyengo kachoko. Kumuwuska yayi iyo.” Ndipo Miriam muchoko, iyo wakuruta kwenekula ndipo wakukhala pasi, kuŵa nkhanira chete.

<sup>77</sup> Ndipo pakati pajumpha kanyengo iyo wakâwa kuti wanozga chakurya chakugonera, ntheura iyo wakukwera m’chipinda cha muchanya ndipo iyo—iyo wakumuchema iyo, “Amram?”

<sup>78</sup> Ndipo iyo wakati, “Enya, Jochebed, kuno. Ine nkhwiza kwenekuko.” Ntheura iwo ŵakwiza ŵakukhira masitepu, imwe mukumanya, ndipo iwo ŵakâwa na chakurya chiweme chakugonera.

<sup>79</sup> Ntheura para iwo ŵakati ŵarya chakurya chakugonera, ndipo muchoko—mnyamata muchoko na msungwana muchoko wose ŵakati ŵarya chakurya chawo chakugonera, chifukwa, iwo... mama wakasezgera vinthu kutali ndipo iyo wakaŵagoneka pasi iwo mu bedi.

<sup>80</sup> Ndipo pamanyuma iyo wakunjira mu chipinda, iyo na mfumu wake, ndipo iwo ŵakukhala pasi. Wakati, “Enya, sono, kasi changuŵa chivichi icho iwe wanguwona muhanyauno, Amram, icho chakupanga iwe chomene—kutimbanizgika chomene usiku uwu, kuti iwe wangukhumba yayi nanga nkukhala wamoyo?”

<sup>81</sup> “O,” iyo wakati, “wakutemweka, ine—ine nkhupulikiska yayi ichi.” Iyo wakati, “Ine nanguwona... Enya, ise tikuchiwona ichi dazi lirilose, kweni muhanyauno changuŵa chapadera.” Wakati, “O, ine—ine nanguwona mawonekerô ghakofya chomene agho ndiri kughawonapo.” Wakati, “Wanyamata ūithu ŵakavu, ūanji ūa iwo ntha ūamsinkhu wakujumpha virimika thweluvu vyakubabika, ūaguzanga ngolo yikuru yakale yira, na vingwe mu makosi ghawo ngati *ntheura*. Ndipo ūana ūakavu ūara ūanguguza mpaka iwo ūangutondeka kuguza, kukwezga chituntha chikuru chomene chira, mawe ghakuru ghara kumanyuma kula, ndipo iwo ūangutondeka kurutirira munthazi. Ndipo panguti pajumpha kanyengo ngolo yanguyamba kuthetheka ndipo yanguyamba kwenda nkhanira pachokopachoko, ndipo panguti pajumpha kanyengo iyi yanguyima. Kusika ku msewu kwizanga mwanarumi, o, iyo wanguŵa wakufuntha! Iyo wangubangura, ‘Ntchifukwa uli imwe mukuyimiska ngolo iyi?’ ‘Phwa!’ na vikwapu vikuru vira

nya chikumba cha njoka, na kukwapuliranga ichi pa msana, ndipo ndopa zangutchutcha pa msana pavo, ndipo zangusulura ngati *ntheura*. Ndipo wana ñakavu ñara ñangukoreska waka ku chingwe ichi ndipo ñangulira.” Nkhati, “O, Jochebed! Kasi ise tingachita vichi, mama?” Nkhati, “Ise ndise ñanthu ña Chiuta. Chiuta wakatitumbika ise. Ise ndise ñana ña Abraham, Isaac, na Jacob. Ndipo ntchifukwa uli ise tiwenge ñazga kusika kuno ku vinthu ivi? O, ntchakofya umo ñanyamata ñakavu ñara ñangulirira. O, ndipo ine nkupemphera na kupemphera na kupemphera, Jochebed, ndipo kukuwoneka ngati kuti waka Chiuta nanga wakunipulika yayi ine. Ine nkupemphera ndipo nkupemphera, ndipo kukuwoneka ngati kuti Iyo wakurazgirako khutu lakugontha, Iyo wakundipulika yayi ine munthowa yiriyoze. Iyo wakuwoneka ngati kuti Iyo wakupwererako yayi munthowa yiriyoze.”

<sup>82</sup> “Sono,” iyo wakati, “wona, Amram, icho chikupulikika ngati iwe yayi. Iwe ndiwe dada mweneko, ndipo iwe... Icho chikupulikika ngati iwe yayi, chifukwa iwe nyengo zose ukutichiska ise, kutiphaliranga ise kuti tiwe na chipulikano mwa Chiuta.”

<sup>83</sup> “O, kweni, wakutemweka, para ine napemphera chomene, ndipo kweni Chiuta wakundipulika yayi ine, ndipo kukuwoneka waka ngati kuti vikurutirira kuhenipanga nyengo yose. Mwakulimbira umo nkupempherera, kuhenipa kukuruta munthazi.”

<sup>84</sup> Kweni, ñanyamata ñachokowachoko na ñwasungwana, kasi Chiuta wakupulika pemphero? [Ñanyamata na ñwasungwana ñakuti, “Enya.”—Munozgi] Iyo wakupulika pemphero. Kasi Chiuta wakuzgora pemphero? [“Enya.”] Enya. Kasi Iyo wakuzgora mwaluwiro chomene? Ntha nyengo zose. Wakuchita Iyo? Yayi. Nyengo zinyake Iyo wakutipanga ise kuti tilindizge. Ndi unenesko uwo? [“Enya.”] Kwani, Chiuta wakuzgora pemphero, wakuchita yayi Iyo? Ndipo pakuti waka chirichose chikwenda makora yayi, icho ntha ntchimanyikwiro chakuti ise tileke kupemphera. Ise tirutirirenge waka kupemphera, munthowa yiriyoze, tichitenge yayi ise? Uwo mbunenesko. Sono, imwe mwazgora makora. Chiuta wakuzgora pemphero. Tiyeni tose tiyowoye ichi pamoza. “Chiuta wakuzgora pemphero.” Enya. Kwali vyakuchitika ndi vivichi, Iyo wakuzgora, munthowa yiriyoze. Viri makora.

“Enya, kasi iwe ukuruta kukapemphera kamozaso?”

<sup>85</sup> “Enya.” Ndipo dada wakawa na chipinda cha kuudesi muchanya uko iyo wakarutanga kukapemphera. Ntheura iyo wakuruta kula usiku ula, iyo wakugwada pasi kumphepete, iyo wakati... Sono iyo wakati, “Jochebed, sono iwe rutanga ndipo ukagone, na iwe na ñana. Chifukwa, kunditangwaniska yayi ine, ine nkuruta kukapemphera panyake nitchezerenge usiku uwu.”

<sup>86</sup> Ntheura iyo wakugwada pasi pa makongono ghake, ndipo iyo wakupemphera ndipo iyo wakupemphera. Ine nkhumuwona iyo wakukwezga mawoko ghake, ndipo wakuti, “O Chiuta wa Abraham, Isaac, na wa Jacob, kumbukani phangano Linu ku wānthu Ŵinu! Kuno ise tiri nkhanira kusika kuno mu Egupto, ndipo tiri pasi pa uzga. Ndipo, o, mabwana ghithu ghankhaza a—ghakutituma ise kuchita vinthu, na kutitchayanga ise palipose, ndipo wānthu wīthu wākavu a—wakuvurika malaya beng’ende, ndipo wākutikwapura ise na vikwapu. Ndipo ise ndise wānthu Ŵinu. O Chiuta, nadi Imwe mupulikenge pemphero! Nadi Imwe muzgorenge pemphero! Ndipo ine nkhpemphera ndipo ine nkhpemphera ndipo ine nkhpemphera, ndipo Imwe mukuwoneka ngati kuti Imwe mukunizgora yayi ine. Kweni, Chiuta, ine nkugomezga kuti Imwe ndimwe Chiuta, ndipo Imwe paumaliro muzgorenge pemphero.” Ndipo iyo wakarutirira kupemphera ngati ntheura, pafupifupi usiku wose.

<sup>87</sup> Ndipo mlenji wakurondezgako, pafupifupi firii panji foru koloko, iyo wakwiza wakukhira masitepu ghachokoghachoko. Ndipo iyo wakulawiska kudera kula, ndipo kukaŵa muwoli wake wakutemweka, Jochebed muchoko. Iyo wakaŵa kula mutulo pa bedi. Ndipo Aaron muchoko na Miriam muchoko wakaŵa kuti wāwagoneka kale mu bedi, ntheura iwo wākawā waka mutulo umo iwo wākamanya kuŵira, ndipo kugona tulo kweneko. Viri makora. Iyo wakuyowoya kwa iyo . . . Iyo wakati, “Nyengo yikumara, ndipo iwe ukuyamba waka . . .”

<sup>88</sup> “Enya, ine napemphera usiku wose.” Maso ghake ghakachesama na masozi, chifukwa iyo wakalirira wānthu.

<sup>89</sup> Ndipo iyo wakati, “Wona, Amram, iwe ungachitanga mwankhongono chomene yayi ichi.”

<sup>90</sup> “Sono,” iyo wakati, “tegherezga, wakutemweka. Ichō ntchiweme. Kweni sono wona, iwe uli na wāna wāwiri kuti uwalere kuno. Ndipo ntchito njane. Usange munyake wakuŵapempherera yayi wānthu wākwithu wākavu, ntchivichi chiwachitikirengé iwo? Kasi chichitikenge ntchivichi usange munyake wandawike wānthu pa mtima? Munyake wakwenera kuti wapemphere.”

“Enya,” iyo wakuti, “Amram, ntchito ndi yako pera yayi.”

<sup>91</sup> “Enya, iyi yikuwoneka kuŵa ntheura. Ndipo munthowa yiriyose, ine nipempherenge, munthowa yiriyose, nyengo zose!”

<sup>92</sup> Wakuruta ku ntchito dazi lira. Ndipo dazi lirilose iyo wakwiza na kuruta, ndipo kusuzgika kwenkula kwakale. Ndipo iyo wakaŵa na ntchito yinonono. Iyo wakayenera kuti . . . Iwo wākathira dongo mu vikombore vikuru chomene, ndipo iyo wakayenera kuyimirira kula kufupi na ng’anjø yikuru yira. Para iwo wāyijura iyi, o, mwe, ichi pafupifupi ngati chipuliskenge

chikumba chake, chithukivu chakofya chira! Iyo wakamanyanga kukankhira njerwa zira mwenemula na kuwotcha izi, kuphura izi; kuti wakazengere misewu yikuru, na vigongwe vikuru vitali, ku wachiuta ngoza na chirichose. Ndipo mwanarumi uyu Mukhristu mweneko kusika kula kugwiranga ntchito ngati ntheura, kusewezeranga murwani. Kweni iyo wakawâa muzga, iyo wakawâa mu uzga. Iyo wakayenera kuchita ichi.

<sup>93</sup> Usiku uliwose para iyo wafika ku nyumba, iyo wakapempheranga. Ndipo wakukwera masitepu kamozaso, na kupemphera na kupemphera na kupemphera, ndipo wakukhiraso pasi. Vikawapo makora yayi; vikarutirira kuhenipanga.

<sup>94</sup> Ndipo dazi limoza ku ntchito iyo wakapulika mphwepwerera. Wakati, "Kasi ntchivichi icho? Kasi ntchivichi icho? Ndiphalire ine!" Munyake wakatokotoska kwa munyake. Pakati pajumpha kanyengo, pambere zuâa likâa lindanjire, ichi chikawâa palipose mu charu, icho chikati chichitikenge.

<sup>95</sup> Kasi chikawâa chivichi? Mphara yikati yikumanenge usiku ula. Yilara Fumu Faro, fumu yilara yankhaza yikati yichemeskenge wantru wake wose pamoza, na kuâa na mphara yinyake yikuru. Ntheura iwo wakawâa na mphara ya nkhumano yikuru iyi kusika kula.

<sup>96</sup> Ntheura usiku ula iyo wakanjira, o, iyo wakawâa waka wakukhumudwa chomene. Iyo wakunjira, ndipo muwoli wake wakuti, "Amram, wakutemweka," iyo wakakumana nayo pa muryango ndipo wakamufyofyontha iyo, ndipo wakati, "Ine nanozga chakurya chako chakugonera chiweme chomene ndipo chakuthukira. Kweni," wakati, "wakutemweka, iwe ukuwoneka wakukhumudwa chomene. Kasi kwachitika vichi?"

<sup>97</sup> Wakati, "O, Jochebed, usange iwe ukamanyenge icho chikuchitika! O, ntchakofya kuruska kale!"

"Vichi?"

<sup>98</sup> "Sh-sh, ntha ningakuphalira yayi iwe, wana wali pafupi. Lindizga mpaka para tarya chakurya chakugonera, ndipo ine ndikuphalirenge ichi."

"Napulika."

<sup>99</sup> Ntheura, iyo wakanozga chakurya chakugonera. Ndipo wakarya chakurya chakugonera, ndipo wakatora wana wose ndipo wakaâagoneka iwo mu bedi.

<sup>100</sup> Ntheura, iwo wakanjira. Iyo wakati, "Jochebed, ine nkukhumba kuti ndikuphalire chinyake iwe." Wakati, "Chimoza cha vinthu vyakofya chomene chikuchitika."

"Ntchivichi?"

<sup>101</sup> Wakati, “Iwo wâwenge na mphara yinyake muhanyauno, usiku uwu. Ndipo para iwo wâchita, iwo wâsazgirengepo ntchito zinyake zinandi pa tâwanthu ise.”

<sup>102</sup> Ntheura, ipo, tiyeni tirute ku nyumba ya fumu. Fumu Faro wâwachemera wose kula, ndipo wakati, “Viri makora, mose imwe wâchirongozgi! Kasi chikuchitika ntchivichi na imwe kudera kuno? Ine nkupereka maranguro ghane kudera kuno! Wantru aâwa wâkuyandana nyengo zose! Kasi chikuchitika ntchivichi? Kasi tingayimiska yayi ichi?” Wakati, “Dazi linyake muzamkwiza gulu linyake lankhondo muno. Ndipo wârwani wîthu wose aâwa, kufuma ku Goshen kula, wâ Israel aâwa, wâzamujoyinana iwo wêne na gulu ili lankhondo, ndipo iwo wâzamkutithereska ise. Ndipo chuma chithu chikuru chizamkuparanyika, ufumu withu ukuru uzamkuparanyika. Iwo wâzamkutitora ise. Kasi chikuchitika ntchivichi na imwe? Yowoyapo, wamunyake! Kasi imwe mukumanya chinyake yayi chakuti tuyowoyepo?” O, iyo wakaâwa wankhaza, ndipo wankhaza chomene. Wâchirongozgi wose, kunjenjemanga.

Yumoza wa iwo wakanyamuka, ndipo wakati, “Mukhale na umoyo utali Fumu Faro.”

“Enya, yowoya icho iwe uchitenge!”

<sup>103</sup> Wakati, “Mukhale na umoyo utali fumu. Ulemu winu, bwana,” iyo wakati, “Ine ningakhumba kuti muwâsazgirepo ntchito zinandi pa wantru.”

<sup>104</sup> “Iwe chindere! Iwe waâwikapo kale ntchito zinandi pa wantru, ndipo kwensi iwo wâkuyandana. Chifukwa, iwe, usange izo ndi fundo zekha iwe uli nazo, khala chete!” O, iyo wakaâwa wankhaza.

<sup>105</sup> Pakati pajumpha kanyengo yumoza wakanyamuka, kumwemwetera kukuru chomene pa chisko chake, ngati devulu. Ndipo iyo wakati, “Mukhale na umoyo utali Fumu Faro.” Wakati, “Ine ndiri nayo fundo.”

Wakati, “Enya, yowoya! Kuyimirira apo ngati ntheura yayi!”

<sup>106</sup> Iyo wakati, “Ine ndimuphalireninge imwe icho ise tinchite.” Wakati, “Imwe mukumanya, wantru aâwa wâkuyandana mwâluwiro chomene.”

<sup>107</sup> “Enya, uwo mbunenesko!” Wakati, “Wanji wâ iwo, wantru wâwo wânyake wâli na wâna kufika nanga ndi fotini, nyengo zinyake iwo wâli na wâna twente. Ndipo wantru wîthu wâlije panyake nanga ndi yumoza.” Wakati, “Iwo wâkuyandana mwâluwiro chomene, iwo wâkubenerera waka charu chose.”

<sup>108</sup> Wonani, Chiuta wakachitanga chinyake. Wonani, Chiuta nyengo zose wakuguzira weya ku maso gha devulu, imwe wonani. Mukuwona? Iyo wakumanya icho Iyo wakuchita. Mukuwona? Ndipo wanakazi wose aâwa wâkuâwa waka na wanandi.

<sup>109</sup> “Chifukwa,” iyo wakati, “mukhale na umoyo utali fumu. Enya, ine ndimuphaliraninge imwe chakuchita. Nyengo yiriyose para mwanakazi wababa mwana mwanarumi... Rutani mu charu uku ndipo mukatore ḫanakazi ḫanyake awo ntha... awo ndi ḫamama yayi. Imwe wonani, ḫanakazi awo ḫandawepo na ḫana, ḫanakazi awo ḫakukhumba ḫana yayi ndipo ḫakutemwa ḫana yayi, fwiti zakale za mphuno zitali. Wonani, ḫa mphuno yitali, mphanyiko! Ḫalara ḫa njowē zitali, visko yyakupenta, ndipo mukawatore iwo. Iwo ḫakumanya yayi kasi chitemwa cha mama ndi vichi. Ntheura pamanyuma para mwana mwanarumi wakubabika, chifukwa, rekani iwo warute ndipo ḫakamutore mwana mwanarumi yura, ndipo ḫamufumiskire kuwaro iyo na kutchayiska mutu wake ku chiliwa, kumuponyaso uyu mu nyumba kwa mama ngati ntheura. Kumuponya iyo pasi mu chisime chitali. O, ntchiweme kuruska icho, kumufumiskira iyo kuwaro na kumanga mawoko ghake na marundi, na kumuponya kuwaro iyo, na kumuryeska ku ng’ona. Iyo ndi nthowa umo tingarekeskera ichi. Ntheura iwo ḫayandanenge chomene yayi, chifukwa kuzamkuwavye ḫanarumi ḫakhalengepo; takoma ḫana wose ḫanarumi.”

<sup>110</sup> “O,” Faro wakuti, “iyo njiweme! Iyo ndi fundo yiweme!” Mukuwona icho devulu wali? Iyo ndi muheni, ndi muheni yayi iyo? Wakati, “Ntheura icho ndi chinthu chakuti tichite! Rutani mukawatore... Imwe mukawatore... Sono, pakuwa kuti ndiwe wanguwa na fundo, ine ndikupangenge iwe murongozgi wa icho. Imwe rutani ndipo mukatore ḫanakazi wose awo imwe mukumanya, awo—awo ḫandawepo ḫamama, ndipo iwo ḫakutemwa ḫana yayi. Ndipo iwo ndi...” Iwo...

<sup>111</sup> Imwe wonani, chikutorera mama kuti watemwe mwana. Imwe mukukumbukira umo mama wakamutemwerani imwe? Enya, sono wonani, mama wakutemwa twana.

<sup>112</sup> Kweni iwo ḫakayenera kuti ḫasange munyake uyo—awo ntha... awo ḫakawavye ḫana, ḫakakhumba ḫana yayi, mbwenu—mbwenu—mbwenu ḫanakazi waka ḫalara ḫankhaza. Ndipo wakati, “Wapangeni iwo ḫapolisi. Ndipo para imwe mwaṭapanga kuwa ḫapolisi, na kuwapa iwo maranguro mwakuti iwo ḫangamanya kunjira mu nyumba yiriyose iwo ḫakukhumba kunjiramo, na kutora mwana waloyose muchoko na kutchayiska mutu wake ku chiliwa, na kumuperekwa uyu ku ng’ona kuti zirye. Mwana waloyose muchoko!” O, nkhaza uli! Ntheura imwe mukumanya icho iwo ḫakachita?

“Viri makora, icho ntchiweme!”

<sup>113</sup> Ntheura dazi lakurondezgako para Amram wakawa kusika kula kugwiranga ntchito, iyo wakayipulika nkhani yira iyo yikapangika.

<sup>114</sup> O, iyo wakuruta ku nyumba. Iyo wakati, “O, Jochebed! O, wakutemweka, reka ine ndikuphalire chinyake iwe. Iwe

ukumanya kasi languro lira likaŵa vichi, ilo likaperekka? Kuti wakome wana wachokowachoko wose wanarumi.” Ndipo iyo wakamuphalira iyo. Wakati, “O, ine ningazipizga yayi ichi.” M’chipinda chamuchanya iyo wakarutaso, kuti wakapemphera. Usiku ula iyo wakapemphera ngati kuti iyo wandapempherepo nakale.

<sup>115</sup> Kasi ise tikwenera kuti tirutirirenge kupemphera? O, rutirirani kupemphera! Ndi unenesko uwo? Rutirirani waka kupempheranga, palije kanthu kwali chkuchitika ntchivichi. Rutirirani kupemphera!

<sup>116</sup> Sono, ndipo chinthu chakudankha imwe mukumanya, iyo wakapemphera usiku wose, “O Chiuta, mutilengere lusungu! Tivwireni, Chiuta! Ise tikuromba kuti Imwe mutivwirenge ise munthowa yinyake.” Wakuwerera pasi wakwiza, chamudera mu muhanya.

<sup>117</sup> Dazi na dazi, ndipo, o, chiwawa uli cha kulira mu charu! Dazi lirilose iwo wakapulikanga wâmama wâkulira, kunena na kusika kwa misewu. Iwo wakamanyanga kutora wana wawo wachokowachoko kufuma mu mawoko ghawo, wawo wachokowachoko, wana wanarumi wachokowachoko wâkuchenjera. Fwiti zilara zira zikamanyanga kunjira mwenemula na, kukora tumarundi twawo tuchokotuchoko, na kututchayiska ku chiliŵa na kukoma utu, na kutuponyera utu ku ng’ona. Mama wachitima wakamanyanga kugwada pa makongono ghake, ndipo iyo wakamanyanga kulira, “O, kumutora yayi mwana wane! Kumutora yayi mwana wane!” Ndipo, o, yikaŵa nyengo uli iwo wâkawângwa nayo!

<sup>118</sup> Imwe mukumanya umo mama wakutemwera twana tuchokotuchoko, na umo iyo wakuŵasusutizgira iwo pa chilevulevu. Kumbukirani umo mama wakamanyanga kumutorani imwe na-na kumugeziskani imwe, na kumufyofyonthani imwe, na-na-na umo wakaywoyeranga umo imwe mukâwira wâkutowa. Na umo iwo wakamugonekeraninge imwe mu usiku. Ndipo, o, usange-usange imwe mbwenu...chijaro chichoko chikajurika, mphepo pachoko zikunjira, chinyake ngati icho, o, mwe, iwo mbwenu wâkachimbiranga nkhanira mwaluŵiro na kujara chijaro, kumudikiska mwana muchoko, ndipo, imwe mukumanya, iwo wâkamutora uyu. Iwo wâkamutemwani imwe. Mukuwona? Iwo wâkamutemwani imwe. O, iwo wâkakatemwa kanthu kachoko kala ako Chiuta wakaperekwa kwa iwo, ako kakâwavye nkhangono ndipo kakamanyanga yayi kujivwira ikokekha, ntheura iwo wâkamutemwa mwana muchoko yura. Ndipo iwo wâkawâfyofyonthanga waka wana wawo wachokowachoko ndipo wakaseŵeranga nawo, chifukwa iwo wâkâwa mama mweneko. Mukuwona?

<sup>119</sup> Kweni wanakazi wâlara âwa awo wâkukoma wâna, iwo

ŵakamanya yayi kasi chitemwa cha umama chikâwa chivichi. Iwo ŵakaŵa ŵamama yayi. Ichô iwo ŵakaghanaghana, iwo ŵakaŵa waka na nyengo yiweme pa malingaliro ghawo, vinthu yya charu, ntheura iwo ŵakamanyanga kuruta na kukoma ŵana ŵachokowachoko ŵara. Imwe ndimwe ŵanichi chomene kumanya, kweni ichi chichali kuchitika. Uwo mbunenesko. Sono imwe ŵalara mukumanya icho ine nkuyowoya. Uwo mbunenesko, chikuchitika chomene ichi! “O,” imwe mukuti, “Ine ningatora yayi...” Kweni nkhanî yakufumiska nthumbo ndi chinthu chakuyana waka. Viri makora, kweni imwe wonani iwo ŵakumanya yayi kasi chitemwa cha mama ndi vichi. Sono imwe mukumanya icho ine nkhung’anamura para ine nkutti “ŵamama ŵeneko”! Uwo mbunenesko. Palije mphambano; devulu mweneyura! Ntheura kula, pamanyuma, iwo... Ghanaghanani waka za masauzandi kwandaniska na masauzandi kwandaniska na masauzandi chirimika chirichose, uheni umo chikâwira mu Egupto, panji chiheni kujumphizga.

<sup>120</sup> Ndipo kula, pamanyuma, iwo ŵakunjira, iwo ŵakaŵavye chitemwa cha mama, ntheura iwo mbwenu ŵakatoranga ŵana ŵachokowachoko ŵara na kuŵakoma iwo. O, ichi chikarutirira kuhenipanga na kuhenipanga. Ndipo dazi limoza kukiza mpheperera yinyake, iwo ŵawenge na nkhumano yinyake.

<sup>121</sup> Faro wakachemera ŵakumovwira ŵake wose pamoza, iwo, wose pamoza, iwo ŵakanjira mwenemula: wakati, “Viri makora, iwo ŵachali kuyandana! Kasi ise tichite vichi na ichi sono?”

<sup>122</sup> Munthu mweneyuyu muchenjezi wakale, munthu muryarya wa chisko cha devulu, wakanyamuka. Iyo wakati, “Mukhale na umoyo utali Fumu Faro. Ine ndiri nayo fundo. Wonani, imwe mwapanga mwanarumi kuti wateŵetenge. Imwe mwâwâpanaga iwo ŵawumbenge mulu wa njerwa, zinandi mwakuti pa dazi, mwaŵatuma iwo ŵawumbe izi pakuchita kujima vipundwe. Imwe mwakoma a—ŵana ŵachokowachoko na vinthu, kweni iwo ŵachali kuyandana. Chinthu icho imwe mukwenera kuchita, ntchakuti muŵike ŵanakazi pa ntchito, nawoso. Usange imwe mwaŵika ŵanakazi pa ntchito, ntheura iwo ntha...” Sono, agho ndi malo gha mwanakazi yayi. Yayi. Ntheura iwo ŵakati, “Kweni imwe muŵâwike ŵanakazi pa ntchito, ndipo muŵâwike iwo kuwaro kula, ndipo rekani iwo ŵawumbenge njerwa, nawoso. Ndipo pamanyuma iwo ŵawenge kuti ŵavuka chomene para iwo ŵakwiza, iwo—iwo ŵangaŵaphikira yayi ŵafumu ŵawo chakurya chakugonera, iwo ŵangâwa mama muweme yayi, wonani. Ndipo ntheura usange iwo ŵagwirenge ntchito na kurutirira ngati ntheura, ntheura iwo—iwo ŵawengevye nkhongono kuchita ichi. Ntheura, imwe muŵâwike iwo pa ntchito, nawoso.”

<sup>123</sup> “Ichô ntchiweme! Mwe, iwe ndiwe mwanarumi wavinjeru.”

Ntheura iyo wakuŵâwika ūwanakaai wose pa ntchito.

<sup>124</sup> Ndipo apa wakwiza Amram mulara wachitima, wafika usiku ula, wakati, “O, Jochebed, ine nkhumanya yayi icho ise tichitenge. Sono iwo ūwâwikenge ūwanakazi wose pa ntchito. Ine—ine nkukuphalira iwe, o, ine nkhumanya waka yayi chakuti tichite! Ise ndise—ise ndise—ise ndise waka... Ise ndise ūwazga, ndipo tikurutirira kusuzgika na kusuzgika. Ine—ine nkhusachizga ichi: usange Chiuta watichitirenge chinyake ise, ichi chizamkuŵako para ise tose tafwa.”

<sup>125</sup> Sono, Chiuta wakulindilira ngati ntheura yayi, wakuchita Iyo? Yayi. Chiuta wakutilâwîlira waka ise nyengo zinyake, wakuchita yayi Iyo? Viri makora.

<sup>126</sup> Ntheura pamanyuma usiku ula, iyo wakati, “Ine nkhiruta muchanya ndipo namupemphera ngati kuti nindapempherepo nakale!”

<sup>127</sup> Sono, umo ndimo tipemphererenge, ndi ntheura yayi? Pempherani ngati kuti mundapempherepo nakale, chitani nkhanira mwakufikapo! Wonani, usange imwe mukuruta waka muchanya na kuti, “Fumu, tumbikani *Wakuti-na-wakuti-na-wakuti*,” Chiuta ntha—ntha wakuŵikako tchekuru chikuru ku icho. Kweni para imwe mwachita nadi mwakufikapo! Para imwe ūanyakata na ūwasungwana ūachokowachoko mukupemphera, chitani mwakufikapo! Kasi imwe mukuchita icho ku sukulu? Kasi imwe—imwe mukumuomba Chiuta kuti wamovwireni imwe ku sukulu? Para—para imwe mukunyamuka kuti mukuruta ku sukulu, ndipo imwe mukutora magiredi ghaweme viŵi yayi, imwe njirani ndipo yowoyani, “Chiuta, ine—ine nkukhumba kuti Imwe mundivwire ine.”

<sup>128</sup> Kasi imwe mukupemphera? Kasi ndi ūanyakata na ūwasungwana ūachokowachoko ūalinga awo ūakupemphera? Tiyen tiwone mawoko ghu. O, icho ntchiweme. Sono, icho ntchiweme. Kasi imwe muli nagho malo ghakubisika uko imwe mukuruta kukapemphera, uko mama na dada ūakumuwonani yayi imwe? Kasi imwe mukupemphera ngati ntheura? Imwe—imwe mukupemphera yayi ngati ntheura? Muwe na malo ghachoko, nyeremukani ndipo mukapemphera, ndipo yowoyani pemphero linu lichoko. Imwe mukuyowoya ili usiku uliwose pambere mundarute kukagona? Para imwe mukuwuka mlenji, na chinthus? O, icho ntchiweme. Kasi ndi ūanyakata na ūwasungwana ūanyakate ūachokowachoko ūalinga (kwezgani muchanya woko linu) awo ūakupemphera? Kutali uko mu nyumba. O, ntchiweme yayi icho? Enya, sono, icho ntchiweme. Ichu chikuwoneska kuti imwe muli na mama mweneko na dada uyo wakumusambizgani imwe kuchita vinthu ivi. Sono, sono para imwe nadi muli na chakusoweka, ntchiweme imwe mupemphera mwakusimikizga. Mundaŵepo nacho imwe?

<sup>129</sup> Ntheura, Amram muchoko, m'chipinda chamuchanya iyo wakuruta. O, mwe! Iyo wakachikhumba yayi chakurya chakugonera. Iyo wakati, "Vyanangika chomene. Mwe!"

"O," iyo wakati, "imwe mukwenera kuti murye chakurya chakugonera, dadi."

"Ningachita yayi ichi, Jochebed. Ine ningachita yayi ichi. Ine—ine..."

<sup>130</sup> "O," wakati, "kweni imwe mukughanda, ndipo imwe mukuchita vinjenje, ndipo chisko chinu ntchakuwa. Imwe mukubokora chakurya chinu, na vinthu."

<sup>131</sup> "O, ine nkhumanya yayi chakuti ningachita! Kweni," iyo wakati, "wakutemweka, usange munyake ntha wakuŵika ŵanthu ku mtima, usange munyake ntha wakurombera ŵanthu, kasi ise tichitenge vichi? Ise tikurutirira kusuzgika. Nadi, nyengo yinyake, Chiuta wazamkupulika!"

<sup>132</sup> Enya, uwo mbunenesko. Uwo mbunenesko. Chiuta wazamkupulika. Iwe uchite mwakulimbikira ndipo khala waka kwenekula!

<sup>133</sup> O, nyengo iyi wakuruta m'chipinda chamuchanya mwakulekana. Para iyo wakuruta m'chipinda chamuchanya nyengo iyi, iyo wakugwada pasi, iyo wakuŵika mawoko ghake muchanya mu mphepo, wakuchemerezga, "Chiuta, ine nkuyowoya kwa Imwe sono!" Amen. Mwakufikapo! "Chiuta, Imwe muli na makutu, ndipo Imwe mukupulika. Imwe muli na maso, ndipo Imwe mukuwona. Imwe mukukumbukira; Imwe mukughamanya Mazgu Ghinu. Imwe mukulimanya phangano Linu. Ine nkhumuwéyani Imwe, Chiuta, laŵiskani pasi uku, Imwe ndimwe Chiuta wa Abraham, Isaac, na Jacob, kuti ŵanthu Ŵinu ŷali mu suzgo, ndipo iwo ŷakufwa. Tichitireni chinyake ise, Chiuta! Ise tikumukhumbani Imwe sono nthena! Ise tikumukhumbani waka Imwe, panji ise tiparanyikenge. Ise tikumukhumbani Imwe. Ise tikwenera kuŵa waka namwe, usange ise tikhallenge ŷamoyo." Apo ndipo imwe mukupemphera nadi. O, iyo wakapemphera!

<sup>134</sup> Imwe mukumanya, nyengo zinyake para ŵanthu ŷakupemphera, iwo ŷakuvuka. ŷakuchita yayi iwo, mama na dada? O, ŷakuvuka chomene! M'bale Branham nyengo zinyake wakuvuka chomene kuti ine pafupifupi nkufoka para ine napemphera nyengo yitali; nkufika waka pa kufoka, nkukhala kwambura kurya, na vinthu, pa mazuŵa; na kupemphera na kupemphera na kupemphera, na kupharazga. Ndipo ine nkufika waka ku malo kuti ine nikomokenge, pafupifupi. Ndipo nyengo zinyake ŵanthu ŷakufikako uko. Iyo ntha ndi nyengo yakuti mugonje. Rutirirani! Chiuta wazgorenge! [M'bale Branham wakutimba pa gome katatu—Munozgi] Enya, bwana. Rutirirani kupemphera! Enya, bwana.

<sup>135</sup> Ntheura iyo wakukwera ghachoko muchanya, masitepu ghakale ghakuthetheka. Ndipo ine nkhumanya kumuwona Jochebed wakwiza kufupi, ndipo wakuti, “O, Amram, nthena yayi. Wakutemweka, ine—ine nkhugomezga . . .”

<sup>136</sup> “Sono, Jochebed, wona, iwe ndiwe muweme, wakutemweka . . .” Iyo wakawâa wakutowa, mama muchoko wakutowa. Ndipo iyo wakamufyofyontha iyo pa thama, imwe mukumanya, ndipo wakamususutizga iyo ngati *ntheura*. Wakati, “Sono, mama, iwe urute ndipo ukaŵagoneke Aaron na—na Miriam muchoko ku chipinda. Ndipo ine nkhuruta kukapemphera. Ndipo sono, usange iwe ukupulika ine nkhulira, kwizako yayi.”

<sup>137</sup> “Enya, kweni, Amram, kasi iwe wamuchita vichi, wakutemweka? Iwe wakhala pafupi kufwa.”

<sup>138</sup> “Enya, kweni ine—ine ndiri na kunyekezgeka kwa wânthu pa mtima wane. Ine nkhuyenera kuti ndichitepo chinyake za ichi. Ine nkhuyenera kuti ndikhalirire pa makongono ghane. Ndipo ntheura wânthu wose . . .” Iyo wakati, “Muhanyauno, muhanyauno pera, kusika pa phiri la njerwa, ine nanguâa kusika kula, nangurutirira kuyowoyanga kuti, ‘Enya, nadi, Chiuta wapulikenge!’ Ndipo mwanarumi yumoza mulara mukuru wangwiza, wanguâika mawoko ghake pa chiwuno chake, ndipo wanguti, ‘Kasi Iyo wazamupulika pauli? Kasi Iyo wazamupulika pauli?’ Ukuwona umo wânthu âwakufikira pa kuhenipa? Iwo âwakufika pa kumukwiyira Chiuta, chifukwa iwo âwakupemphera na kupemphera na kupemphera, ndipo palije icho chikuchitika. Ndipo yumoza uyu wakupemphera na kupemphera na kupemphera, ndipo palije icho chikachitika. Ndipo âwasofi wose âwakuti, ‘Mazuâa gha minthondwe ghali kujumpha, ndipo chinthu chekha pera ise tingachita ndi kujipereka waka ku âwakapitawo âwala awa awo âwakusopa vikozgo, panji âwachiuta ngoza, na vinyake ntheura. Ndipo kasi ise tingachita vichi?’” Kweni iyo wakati, “Kweni ine nkhugomezga mwa Yehova! Amen! Ine nkhugomezga kuti Iyo wachali kuzgora mapemphero!”

<sup>139</sup> Kasi imwe mukugomezga icho? [Gulu likuti, “Amen!”—Munozgi] Imwe mukugomezga ichi? Amen! Mose imwe mukugomezga icho, yowoyani, “Amen.” [“Amen.”] Wachali kuzgora pemphero! Viri makora.

<sup>140</sup> Thupi lichoko lakufoka, wakaghanda chomene. Muchanya mu masitepu ghakuthetheka iyo wakuruta, wakuruta kudera kula ndipo wakugwada pasi. Iyo wakati, “O Yehova!” O, iyo wakapemphera ngati kuti iyo wandapempherepo nakale! Iyo wakati, “Yehova, laŵiskani kuno! Imwe ndimwe Chiuta mweneko. Ise tikugomezga kuti Imwe muli na makutu. Ise tikugomezga kuti Imwe muli na maso. Ndipo Imwe mukumanya vinthu vyose. Ndipo ise tikugomezga kuti Imwe ndimwe Chiuta

wa Ḧahebere, ndipo ise ndise ḫanthu ḥa phangano. Ise tikugomezga kuti Imwe mukusunga Mazgu Ghinu.” Wakati, “Wonani ḫachikunja aŵa kuwaro, umo iwo ḫakutigwiriskira ntchito pawaka, ndipo ḫakuzenga misewu yikuru chomene na vikozgo, na chirichose. Imwe, Yehova, kasi Imwe mwakhala Kuchanya na kuzomerezga ḫachikunja kumulamulirani Imwe? Ine nkugomezga yayi kuti Imwe muchitenge ichi.” Amen!

<sup>141</sup> Ine ntha nkugomezga ndithu kuti Iyo wachitenge ichi! Amen! Para devulu wafika, Chiuta ndi Chiuta ndithu! Mbunenesko! Iyo wazomerezgenge yayi viŵanda ivi kuchita icho. Ine nkugomezga icho, muhanyauno, kuti para fashoni na uzereza, na ukazuzi wose uwu ukuchitika; ndipouli, Chiuta wakuwusa ndithu ndipo Iyo ndi Chiuta ndithu! Mbunenesko! Icho ise tikusoweka ndi munyake ngati Amram, wali na kunyekezgeka pa mtima wake, uyo wakhallenge kula na kupempherera ichi, mpaka Kuchanya kujurike pwankhu, Chiuta wakukhira na kuzgora pemphero. Amen.

<sup>142</sup> “Sono laŵiska kuno,” iyo wakati, “Chiuta, kasi Imwe mukuzomerezga ḫachikunja kunyoza ḫanthu Ḫinu ngati ntheura? Masabata na myezi na virimika vyajumphapo. Ise tikupemphera rutaruta, na masozi, kweni...[Pa tepi palije kalikose—Munozgi] O Chiuta, kasi Imwe muzomerezgenge chinthu chantheura?”

<sup>143</sup> Ine nkuzizwa muhanyauno, kuti para ḫana ḫachokowachoko mahandiredi ḫakuponyeka mu mironga na viziŵa vyauňakasi, ndipo ntha ḫakuŵazomerezga kuhala ḫamoyo, na nkhanzi za kufumiska nthumbo na chinyake chirichose kuchitikanga; O Yehova, kasi Imwe muzomerezgenge vinthu vyantheura virutirirenge? [M’bale Branham wakatchaya pa gome kankhonde na kamoza—Munozgi] Muhanyauno, apo kachasu na mowa, na umoyo wausiku, na chirichose, vikuchemerezga. Ndipo nanga ndi gome lafika pa kufoka chomene mpaka iwo ḫakuchita mantha kuyowoya chirichose za ichi. Yehova, kasi Imwe muzomerezgenge kupusa kwantheura kurutirirenge? Iyo wazamkuzgora dazi limoza. O, ukali Wake ngwakofya para uwu ukwiza. Enya, bwana. Ḫanakazi ḫakurutanga kuwaro na kupanga jiso la mwana wawo chakuponyamo vyoto vya ndudu, kuti ḫaponyemo vyoto, na chirichose. Ndipo ḫanthu ḫakuruta na ḫana ḫawo ḫachokowachoko ku malo gha mowa, ḫanyamata na ḫasungwana ḫachokowachoko ḫakhala kula, virimika sikisi panji eyiti vyakubabika, ḫakumwa, na vinthu ngati ivyo. Ndipo charu chikazomerezga ichi, ndipo, “Viri makora.” O, mwe! Mukughanaghana kuti Yehova wakuchiwona yayi icho? Penepapo, iwo ḫakusew̄ereska nanga ndi ḫanthu awo nadi ḫali makora na Chiuta. Vinthu vyose ivi kuchitikanga, kuŵasew̄ereskanga. Koreskani, rutirirani waka kukoreska!

Yehova wazamuzgora. Kudandaula yayi. Viri makora.

<sup>144</sup> Ise tirutirire munthazi pachoko. Ise tikumusanga iyo muchanya mula wakupemphera. Ndipo iyo wafika waka pa kuvuka chomene, iyo wagona pasi. Iyo wakupemphera waka mpaka iyo wakuwa pasi. Iyo wangarutirira yayi, ndipo iyo wakagonapo pachoko. Iyo wakawuka. “Kasi kwachitika vichi? Wakulawîska kudera uku! Kasi Kuwâra kula kukufumirankhu? O, wakulawîska, kwayimilira apo pa kona.” Apo pakayimirira Mungelo, lupanga Lwake kulenderanga ku lwandi Kwake kula. O, iyo wakalawîskaso, ndipo iyo wakapikinyira maso ghake. Iyo wakagwada pa khongono lake, iyo wakati, “Fumu, o, o, kasi—kasi Imwe mukukhumba kuti ine nichitechi?”

<sup>145</sup> Iyo wakati, “Amram, Ine ndine Mungelo wa Chiuta. Ine natumika kufuma Kuchanya, kuti ndikuphalire iwe kuti Chiuta wapulika pemphero lako. Ndipo Ine ndafika kukuphalira iwe kuti Iyo watumenge muwomboli. Iyo wakukumbukira mapangano Ghake ghose.” Ine nkhumuwona Mungelo sono; wakumulawîska Iyo, Iyo wakusolora lupanga ili. Iyo wakurongora kumpoto. Amram wakalawîska. Iyo wakati, “Uko kwarongora waka lupanga ili ndiko kuli charu chaphangano. Ndipo Ine nkhamulayizga Abraham, Isaac, na Jacob, wâdada wâko, kuti mwâwanthu imwe muzamkuhara charu chira. Ndipo Ine napulika kutampha kwa wânthu, Ine napulika kulira kwa wâna, ndipo Ine nafika. Ndipo Ine nkukhumba kuti iwe umanye kuti iwe uchitenge gawo likuru mu ichi, Amram, chifukwa iwe ukâwa wakugomezgeka mu pemphero. Iwe ukâwa wakugomezgeka mu nyumba yako. Ndipo chamudera mu nyengo iyi chirimika chikwiza, Jochebed, muwoli muchoko wakutemweka, wazamupakata mwana mnyamata. Ndipo mnyamata muchoko yura wâwenge muwomboli.” Uchindami!

<sup>146</sup> Iyo wakati, “O, enya. Enya. O, enya. Enya. O, Iyo ngwakutowa chomene.” Iyo wakalawîska, ndipo Mungelo wakayamba kukwera kuchanya. Kukawoneka waka ngati kuti kuchanya kose kukajurika, ndipo Iyo wakafumamo mu chipinda. Iyo wakalindizga pachoko. Iyo wakati, “O, ine natimbanizgika yayi.”

<sup>147</sup> Wakaruta mu chipinda chapasi, mwaluŵiro chomene, ndipo wakati, “Jochebed! Jochebed, nkhanira mwaluŵiro!”

Wakati, “Enya, kasi kwachitika vichi, wakutemweka?”

<sup>148</sup> Wakati, “Khala tcheru!” Ndipo kuwâra kwa mwezi kukaŵaranga mu windo, kukaŵa...Iyo wakawoneka wakutowa. Ndipo iyo wakati, “Ine nawona waka Mungelo wa Chiuta, ndipo Iyo wangundiphalira ine vinthu vyose ivi.”

“O, kasi Iyo wanguwoneka uli?” wakayowoya mama. “Kasi Iyo wanguwoneka uli?”

<sup>149</sup> Wakati, “O, Iyo wanguŵa wakutowa. Iyo wanguvwara munjirira wakuŵara. Maso ghake ghangung’azima. Ndipo Iyo wanguŵa na lupanga mu woko Lake, ndipo Iyo wangurongora ili kumpoto.” Umo ndimo, iwe umanyirenge, uko charu chaphangano chiri kufumira ku Egupto; kunena kudera kula, Palestina. Iyo wakati, “Iyo wangurongora kumpoto. Ndipo Iyo wanguyowoya kuti ise tizamkuŵa na mwana chamudera mu nyengo iyi chirimika chikwiza, ndipo mwana muchoko uyu wati wababikenge ndipo wâwenge chatonda, ndipo wazamkuwombora wânthu Wake. O, aleluya, Jochebed!”

<sup>150</sup> Ndipo iyo wakawona kuti iyo wakaŵa mutuŵa. Chisko chake, maso ghake ghakadodoliskanga, maso ghake ghakuru ghakalawiskanga. “Jochebed, kasi chachitika ndi vichi?”

“O, Amram! Yayi, yayi, yayi! Ise kuŵa na mwana mwanarumi?”

“Enya.”

<sup>151</sup> “O, iwe... Ichi chingachitika yayi. Iwe ukumanya kasi? O, usange iwe ntha ukaŵenge na mboniwoni iyi. Iwe ukumanya kasi, Faro, iyo wakukoma wâna wose wâchokowâchoko.”

<sup>152</sup> “Enya. Kweni, iwe ukumanya, usange Chiuta watipa mwana uyu ise, Chiuta wamupwererenge mwana. Amen! Chiuta wakalayizga. Chiuta wamupwererenge iyo.”

<sup>153</sup> Enya, dazi lakurondezgako iyo wakuruta kukagwira ntchito. Ndipo wânthu wose kumtunda kula, iwo wâamuwona Amram. M’malo mwakwiza, imwe mukumanya, pakuŵa wakuzgorikira pasi na wakulopwa, wakakwezga mapewa ghake muchanya, wakati, “Ndipizgirani njerwa zinyake. Fulumirani, tiyeni tigwirenge!”

“Kasi chachitika ntchivichi?”

“Uchindami kwa Chiuta! Chiuta wazgorenge pemphero.” O, yayi...

<sup>154</sup> Imwe mukumanya, chikukupangiska iwe kupulika makora para iwe wapokera zgoro. Kasi ise tikumanya yayi kuti, dada na mama, para Chiuta wapereka zgoro? Iwe ntha ukwenera kuwona mboniwoni. Manyani waka kuti zgoro liriko kula, mbwenu kwamara. Mbwenu kwamara, manyani waka kuti zgoro liriko kula.

<sup>155</sup> Sono, tegherezgani mwatcheru sono, ine nkhukhumba kuti imwe mutegherezge, icho chikachitika. Sono imwe mukumanya, pakati pajumpha kanyengo, wakati, “Viri makora, Amram, kasi chachitika ntchichi na iwe?”

<sup>156</sup> “Chiuta wazgorenge pemphero! Chiuta wazgorenge pemphero!”

“Enya, kasi Iyo wazgorenge uli pemphero?”

“Icho chikupanga mphambano yiriyose yayi.”

<sup>157</sup> Munthu yumoza mulara wakanyamuka, ndipo wakati, “Sono kasi iwe ukughanaghana kuti Iyo wazamkuzzgora pauli?”

<sup>158</sup> “Enya, ine ndikuphalirenge yayi iwe, chifukwa iwe ndiwe wambura kugomezga, munthowa yiriyose. Ndipizgireni njerwa zinyake.” Wakaziponya mkati mula ngati *ntheura* . . . ? . . . Nkhupwerera yayi; iwe nthia ukwenera kuwaphalira wambura kugomezga vinthu vyose, ukuchita iwe? Chikupanga mphambano yiriyose yayi. Yayi, bwana. Yayi nadi. “Ndipizgireni njerwa zinyake. Aleluya! Wazgorenge pemphero!” Umo ndimo imwe mukupulikira para imwe mwamanya kuti ichi chichitikenge. Ndi *ntheura* yayi? Enya, bwana.

“Enya, kasi Iyo wachitenge uli ichi?”

<sup>159</sup> “Iwe ukumanya yayi, munthowa yiriyose, *ntheura* rutirira waka kundipizgiranga njerwa.” Wakawika zose mkati mula, wakawa na njerwa zose zakale mkati mula.

<sup>160</sup> Usiku ula iyo wakaruta kunyumba, wakati, “O, Jochebed, ghanaghana za ichi, ise tiwenge na mwana! O, iyo watia waŵenge muwomboli! Chiuta wamutumenge iyo. O, ichi chiwenge chiweme.”

“O, kweni ine ndine chomene . . .”

<sup>161</sup> “O, reka kudandaula! Reka kudandaula! Mwe! Chiuta wali pa—Chiuta wakupulika sono. Chiuta wali na makutu; Chiuta wakupulika. Chiuta wali na mawoko; Iyo wangamanya kuwombora.” *Ntheura*, o, iyo wakawa na chipulikano chikuru.

<sup>162</sup> Imwe mukumanya, para imwe mwarutirira kupemphera, imwe mukupokera zgoro, imwe mukuwa na chipulikamo chikuru pamanyuma. O! Kasi imwe mukarombapo chinyake, ndipo imwe mukumanya kuti Chiuta wamuchitirenge imwe ichi? Kasi imwe wasungwana wachokowachoko mukuchita icho, na imwe wanyamata wachokowachoko? Enya. Nadi. Apo ndi penepapo Iyo . . . Apo ndi penepapo imwe mukumanya kuti ichi chichitikenge. Viri makora.

<sup>163</sup> Chirimika chathunthu chikujumpha. Ndipo chinthu chakudankha imwe mukumanya, apa wakwiza Amram kufuma ku ntchito dazi limoza. Ndipo kasi kukachitika vichi? Mwana muchoko wakutowa chomene, o, iyo wakawa wakutemweka muchoko, mutali pafupifupi *ntheura*. Ndipo *ntheura* iyo wakamunyamura iyo, wakumupereka iyo kwa Amram. Ndipo iyo wakumufyofyontha iyo, imwe mukumanya. Iyo wakumutemwa iyo, wonani. Ndipo mama wakamukolerera iyo. O, chuma uli! Iyo wakati, “O, ine ndiri na wofi chomene, nangauli, iwe ukumanya. Mwana muchoko uyu, iyo ndi kanthu kachoko kaweme chomene.”

<sup>164</sup> Ndipo imwe mukumanya kasi? Baibolo likati yura wakawa mwana muchoko wakutowa chomene uyo wakababikapo. Sono ine nkhumanya wamama wasuskanenge nane pa icho. U-huh.

Iwo wakaghanaghana... Amama wako wakaghanaghana kuti iwe ukawa mwana muchoko wakutowa chomene. Mukachita yayi imwe? Enya. Iyo wali na wanangwa kughanaghana icho. Kweni Baibolo likati uyu wakawa mwana muchoko wakutowa. O, iyo wakawa chitoweskero. Chiuta wakawika mawoko Ghake pa iyo, imwe mukumanya. Ntheura, o, iyo wakawa kanthu kachoko kakutowa chomene! Iyo wakamanyanga kugona apo, ndipo iyo—iyo wakamanyanga kumwemwetera waka pachoko, wambura mino.

<sup>165</sup> Imwe mukaŵavye munung'una muchoko na iwo, wakamanya kuchita icho, para iyo wakawaŵavye—wakaŵavye mino, wakamwemwetera waka ngati *ntheura*?

Ndipo chinthu chakudankha imwe mukumanya, “Wah!”

“O, mwe, lusungu! Whii! Ine nkhumanya, tiye timubise waka iyo.”

“Kasi chachitika ntchichi? Kasi iwe uchitenge vichi?”

<sup>166</sup> “Ruta nayo ku chipinda chapasi. Iwe ukumanya icho languro liri. Wona, usange fwiti za mphuno zitali zira zafika muno, izo zitorenge mwana withu na kumukoma uyu. Uwo mbunenesko. Ise tizomerezgenge yayi uyu kuti walirenge.” Ntheura, o, uyu wakakhumbikanga chinyake—wakakhumbikanga chakurya chinyake cha mlenji panji chakugonera. Ntheura mama wakuruta nayo pa kona, iyo wakumuwonkheska uyu, imwe mukumanya. Ndipo ntheura iyo wakawa makora pamanyuma.

<sup>167</sup> Ntheura mausiku ghangapo pamanyuma pa icho, iwo wakaseŵeranga nayo, ndipo, “Wah!” Kula iyo wakachitasso, imwe mukumanya, wakayamba kulira. Ulendo iyo wakaruta mwaluwiro chomene, ndipo wakamubisa—wakamubisa iyo mwaluwiro chomene ngati ntheura. Ndipo m'chipinda chapasi, nkhanira pasi kumanyuma, mu chiliwa, Amram wakapanga malo ghachoko uko iyo wakamanyanga kumubisa mwana.

<sup>168</sup> Ndipo ntheura chinthu chakudankha imwe mukumanya, iwo wakapulika chinyake m'chipinda cha muchanya chikuchitika... [M'bale Branham wakutimba pa gome—Munozgi] *Whii!* Waruta! Wose wakachimbirira ku malo ghamoza, wakati, “Awo ndiwo. Awo ndi fwiti zakale, zakale zanjowe zitali, njowe zakupenta!” Ndipo fwiti zakale... Wakalaŵiska kusika kula, ndipo wakalaŵiska kuwaro ku windo, wakati, “Enya, wara ndiwo. Iwo wâyimirira kula.”

[M'bale Branham wakutimba pa gome—Munozgi]  
“Juraniko!”

<sup>169</sup> Amram mulara wakiza, wakajura chijaro, wakati, “Kasi imwe mukukhumba vichi?”

<sup>170</sup> Wakati, “Iwe uli na mwana muno, ndipo ise tikumanya ichi. Ndipo ise timutorenge uyu.”

“Ise tilije mwana wakuti tipereke kwa imwe.” Iwo ḫakachita yayi.

<sup>171</sup> “Ise tinjirenge ndipo tipenjenge, munthowa yiriyose. Ise ndise ḫapolisi ḫanakazi. Ukughawona mabaji ghithu?” Ndipo icho ndi a... Ndi chinyake yayi icho mwanakazi wakwenera kuwa? Kweni, “Ise ndise ḫapolisi ḫanakazi. Ise tiri na wananga withu kufuma ku ḫamazaza!” Imwe mukumanya, ise tiri nawo kuno sono. Ndipo ntheura—ntheura pamanyuma iwo ḫakukhira, ḫakunjira mkati. Iwo ḫanjira mkati ndipo ḫakugadabura sofa, na kujura madirowara ghose, na kuponya chirichose pasi, na kutora yyakutandikapo vyose pa bedi na kukung’untha ivi. Ndipo ḫakukwera m’chipinda cha muchanya ndipo ḫasanga uko dada wakaŵa na malo ghachoko gha kuudesi. ḫakapenza palipose, kweni iwo ḫakamusanga yayi mwana.

<sup>172</sup> ḫakatondeka kumusanga mwana, ntheura iwo ḫakaruta kwa mwanakazi kula, wachitima—Jochebed wachitima wayimirira apo, chisko chake chikatuŵa. Iwo ḫakiza, ḫakati, “Laŵiska kuno! Ise tikumanya kuti iwe ndiwe a—mama. Ise tikumanya kuhala naumo iwe ukuwonekera. Ise tikumanya kuti iwe ndiwe mwanakazi wakuwonkheska, ndipo ise tikumanya kuti mwana yura wali muno. Ise tifikengeso. Ise tizakumusanga uyu!” Kuwaro ḫakafuma pa muryango. ḫakatchayiska chijaro, ndipo iwo ḫakaruta kuwaro.

Iyo wakati, “O, o, kasi ise tichite vichi? Kasi ise tichite vichi?”

<sup>173</sup> Ntheura Amram wakati, “Pemphera.” Kasi icho ndi chinthu chakuti tichite? [Wanyamata na ḫasungwana ḫakuti, “Enya.”—Munozgi] Kasi chinthu ndi icho? “Pempherani! Tiyeni tipemphere.”

“O, o, o! Ine nkhumanya yayi chakuti—chakuti ndichite. O!”

<sup>174</sup> Ntheura iyo wakati, “Sono, wona, iwe khala chete, ndipo iwe ruta ukamuwonkheske mwana kamozaso. Ine nkhiruta m’chipinda cha muchanya ndipo namupemphera.”

<sup>175</sup> Ntheura iyo wakuruta m’chipinda cha muchanya ndipo iyo wakupemphera. Iyo wakati, “Yehova, Imwe muli na makutu. Yehova, Imwe muli na maso. Yehova, Imwe mukupulika. Imwe mukuzgora pemphero. Imwe mukatipa mwana uyu. Imwe mukatipa phangano Linu. Ndipo Imwe musungirirenge phangano Linu, ndipo Imwe mumusungenge mwana yura. Ndipo ine ndiri nacho chisimikigo!”

<sup>176</sup> Pamanyuma pa kupemphera, kufikanga pa kuvuka kweneko, iyo—iyo wakawa waka pasi ngati *ntheura* ndipo wakagona tulo. [M’bale Branham wakuyezgerera chinkhononono—Munozgi] Iyo wakavuka chomene! Wakagwira ntchito dazi lose, na kupemphera usiku wose. Iyo wakavuka.

Ndipo pamanyuma imwe mukumanya icho chikachitika? Iyo wakagona tulo, ndipo iyo wakalota loto.

<sup>177</sup> Imwe mukumanya, Chiuta wakuyowoya mu maloto, namoso, wakuchita yayi Iyo? Nadi, Iyo wakuchita. Enya, Iyo wakuchita. Iyo wangachita. Mukuwona? Ndipo Iyo wakuyowoya mu maloto.

<sup>178</sup> O, para iyo wakati wawuka, iyo wakati, [M'bale Branham wakulizga njoŵe yake kamoza—Munozgi] “Ndicho ichi! Ine nanguyenera kuti nangughanaghana za icho. Ndicho ine nkuyenera kuti ndichite.” [M'bale Branham wakatchaya pa gome kankhonde na kâwiri.] “Ine ndiyowoyenge chirichose yayi za ichi.”

M'chipinda chapasi iyo wakuruta. Iyo wakati, “Jochebed!”

“Enya, wakutemweka? O, ine ndavuka chomene. Ine nkutondeka kugona.”

“O, ruta ukagone. Ruta ukagone. Chose ichi chamara.”

“Kasi iwe ukumanya uli?”

“O, ine nkhumanya waka. Ine ndiri waka na chisimikizgo!”

<sup>179</sup> M'malo mwa dada, usiku ula, kurutanga m'chipinda cha muchanya kukapemphera, iyo wakaruta pasi mu chipinda chapasi. Iyo wakâwa kalikiliki pasi kula. Ine nkhumanya yayi icho iyo wakachitanga. Tiyeni tirute ndipo tikamuwone iyo. Ine nkhumuwona iyo pasi kula, wakuruta... [M'bale Branham wakuyamba kung'ung'uta, ndipo wakutchaya apo wakuyezgerera kupanga chinthu chinyake—Munozgi] “Phwa, phwa, phwa.” [M'bale Branham wakung'ung'uta.] Wakutora thete ili, ndipo wakulilaŵiska ili, wakuligowâ ili ndipo wakuliwona usange ili ndiweme. [M'bale Branham wakung'ung'uta.] Aaron muchoko wakafumapo dazi lira, ndipo wakanyamura mutolo ukuru wa igho, wakaghâwika igho pasi mu chipinda chapasi, imwe mukumanya. [M'bale Branham wakung'ung'uta.] “Chiuta wakukupwererera iwe.” [M'bale Branham wakung'ung'uta.] “Chisopo cha nyengo-yakale, chose chikwenera kuŵa chaunenesko!” [M'bale Branham wakutchaya pa chinyake.] Wakughamanga zingirizge.

Iyo wakati, “Amram, kasi chachitika ntchichi na iwe?”

“Aleluya! Palije, wakutemweka. Rutiriranga.”

<sup>180</sup> [M'bale Branham wakung'ung'uta—Munozgi] “Ndi chisopo cha nyengo-zakale.” [M'bale Branham wakutchayaso.] “Ndi chisopo cha nyengo-zakale.” Zanga na ili kudera uku, iwe ukumanya. “Ndi chisopo cha nyengo zakale.” “Shhhhhh,” didimizga ichi. “Ndipo ntchiweme chomene kwa ine! Ndipaseni ine chakale ichi...” Iyo wakachitanga chinyake.

<sup>181</sup> Imwe mukumanya, para pakati pajumpha sabata yimoza panji ziŵiri, chinthu chakudankha imwe mukumanya, iwo wakazizwa icho iyo wakachitanga.

<sup>182</sup> Ntheura usiku umoza para iwo wose wakawâwa mutulo, iyo wakukwera chipinda cha muchanya ndipo wakwiza na chinthu chichoko ichi, imwe mukumanya. Iyo wakunyamula muchanya ichi ngati *ntheura*. Ndipo iyo wakwiza nacho ichi. Iyo wakubenura chakudika apo Jochebed muwoli wake wagona, ndipo iyo wakunjizga ichi kusi ku chakudika. Ndipo Aaron muchoko na—na Miriam muchoko wakawâwa mutulo, imwe mukumanya; o, iyo wakawâwa kanthu kachoko kakutowa, msungwana muchoko yura wakawâwa, ndipo ntheura ndimo wakawîra Aaron muchoko. Ntheura, iyo wakawîka ichi kusi kula. Iyo wakati, “Jochebed, wakutemweka.”

<sup>183</sup> Iyo wakati, “Kasi iwe wanguâwa mu chipinda chapasi kupempheranga nyengo iyi ya usiku, Amram?”

Wakati, “Yayi. Ine nanguâwa mu chipinda chapasi, kumurumbanga Chiuta.”

Wakati, “Kasi iwe wachitanga vichi?”

<sup>184</sup> Wakati, “Ine nkhukhumba kuti ndikuphalire iwe. Sono, iwe ukumanya fwiti zakale zira zifikengeso.”

“Enya.”

<sup>185</sup> “Ndipo ine nkhukhumba kuti ndikuphalire iwe icho ise tchitenge. Ise takhala na mwana sono myezi yitatu, ndipo ise tikwenera kuti tirekane nayo uyu.”

“O, Amram! Iwe ukwenera kuti uchite vichi?”

“Ise tikwenera kuti tirekane nayo mwana.”

“Tirekane nayo mwana?”

“Enya.”

“O, iwe ndiwe wankhaza!”

“Yayi, ine ndine wankhaza yayi. Yayi, yayi, yayi. Ine nkhumanya icho ine nkhuchita.”

<sup>186</sup> “Kasi iwe ukung’anamura vichi? Chifukwa, iwe uwêngé waka muheni ngati Faro. Tirekanenge nayo mwana withu?”

“Enya, tirekanenge nayo mwana.”

“O, ise tingachita yayi!”

<sup>187</sup> “Sono tegherezga. Usange ise timusungenge uyu, ise titayenge uyu. Ndipo usange ise timuperekenge iyo kwa Yumoza Uyo wakapereka uyu kwa ise, Iyo wamusangenge uyu.” Ndi unenesko uwo? “Sono, usange iwe umusungenge uyu, ise titayenge uyu.”

“Kasi iwe utayenge uli uyu?”

“Chifukwa, fwiti zakale zira zifikenge na kuzakamutora uyu.”

<sup>188</sup> Ndipo wonani, usange imwe muwusungenge uzima uwo na kurutirira munthazi na kukhala umoyo ngati wacharu, imwe

mutayenge uwu. Fwiti za ku gehena zikumurondani imwe. Ndipo uwo mbunenesko. Kupusa kwakale kose uku kwa charu na vinthu kuwaro uko, viri nkhanira pamanyuma pinu. Usange imwe muwusungenge uwu, imwe mutayenge uwu; kweni usange imwe mukupereka uwu kwa Yumoza Uyo wakapereka uwu kwa imwe, imwe muwusangenge uwu ndipo muwusungenge uwu. Kasi ichi ntchichi sono? Usange ise tawusunga uwu, kasi ise tikuchita vichi? [Ŵana ūakuti, “Tikuwutaya uwu.”—Munozgi] Tikuwutaya uwu. Usange ise tikuwupereka uwu kwa Khristu, ise vichi? Tikuwusunga uwu. [“Tikuwusunga uwu.”] Amen! Icho ntchiweme. Sono imwe mwazgora makora.

<sup>189</sup> Sono iyo wakati, “Jochébed, ise titayenge uyu usange ise timusungenge uyu. Ntheura usange ise tikumupereka—tikumupereka uyu kwa Yumoza Uyo wakapereka uyu kwa ise, ndikokuti ise timusungenge uyu.”

<sup>190</sup> Sono imwe muli na uzima. Ndipo, dada na mama, namwe chimoziomozi. Kweni usange imwe mukuwusunga uwu, imwe muwutayenge uwu. Uwo mbunenesko. Fwiti za ku gehena ziwtorenge uwu. Zose zikupenjapenja uwu! Kweni usange imwe mwapereka uwu kwa Yumoza Uyo wakapereka uwu kwa imwe, imwe muwusungenge uwu kufika ku Umoyo wamuyirayira. Aleluya! Amen! Mundigowokere ine, mwaŵana, ine—ine ndine waka wakachitiro kakale kuti nkhuchemerezga. Usange imwe mukuwusunga uwu... Tiyeni tiyowoye ichi, tose pamoza: [Gulu likuyowoyer pamoza na M'bale Branham—Munozgi] “Usange imwe mukuwusunga uwu, imwe muwutayenge uwu; usange imwe mukuwupereka uwu kwa Yumoza Uyo wakapereka uwu kwa imwe, imwe muwusungenge uwu.” Amen. Kumbukirani sono, perekani uwu kwa Iyo.

<sup>191</sup> Sono tiyeni tiwone. O, iyo wakuyamba kulira. Iyo wakati, “O, kasi iwe uchitenge nayo vichi uyu?” iyo wakayowoya.

“Lawiska kuno, ine nkhukhumba kuti ndikuwoneske chinthu chinyake iwe.”

“Kasi iwe uli na vichi kusi kwa bedi lane kula?”

Wakati, “Reka ine ndikuwoneske iwe.” Ndipo iyo wakasorola ichi.

“O, iyi ndi basiketi yichoko ya matete!”

<sup>192</sup> Ndi kangaraŵa kachoko, ndiko aka. Kalije sigiro, kalije chakupukusira, kalije mapayipi pa aka, ndipo kweni aka kanyamurenge katundu wakuzirwa chomene uyo wakanyamulikapo na sitima, kufika nyengo yira. Pulikani ichi! Aka kalije kapitawo panji ūakugwira ntchito mwenemula. M'bale, ine nkhumanya Sitima ya ūalara, ngati yira, nayoso!

<sup>193</sup> “O,” iyo wakati, “Am-... reka ine nikawone aka, Amram, reka ine nikawone.” Iyo wakuruta kudera uku.

<sup>194</sup> Wakati, “Lawîska uku, kali na chibenekerero pa aka. Ukuwona?” Iyo wakanyamula chibenekerero chichoko muchanya.

      Iyo wakati, “Whii! Kununkha! Uh! Whii! Mwe!”

      Wakati, “Enya, aka kakununkha.”

      “Chifukwa?”

<sup>195</sup> “Ine nkhathiramo phula munandi. Kose aka nkhakumata, palipose.” Kumata aka na phula, iwe ukumanya, ntheura iwo wâkawîka phula palipose pa aka. Ndilo iyo wabwatiskanga pasi uku, na kuthira ili pachanya pa matete agha. Iyo wakamata aka. Wakati, “Wona, maji ghanganjira yayi mu aka ntheura. Wona, aka nkhakujarika palipose zingirizge.” Ndipo wakati, “Ndipo igho ghanganjira yayi mu aka, maji ghanganjira yayi. Ine nkhamaata aka.”

      Wakati, “Whii! Kakununkha uheni!”

<sup>196</sup> Imwe mwaŵana mukumanya icho phula wali, para iwo wâkupanga msewu, “O, kununkha kuheni kula!” Kweni ili—ili—ili—ili likusunga a... Ili likujara malumwa ghose pa msewu. Ndipo umo ndimo ili likuchitira, ili likujarira kuwaro maji ghose.

<sup>197</sup> Ndipo icho ndicho pemphero likuchita ku wakugomezga. Ilo ndilo dazi lirilose likukankhira charu kuwaro kwa imwe, ndi para iwe ukugwada wamwene pa makongono ghako, na kuti, “Fumu Yesu!” Ndipo Ndopa zikukhira, ndipo Izi zikukujara iwe palipose mwakuti devulu wangakusunga yayi iwe. Mukuwona? Uwo mbunenesko. Mukuwona? Ntheura pamanyuma, o, nyengo zinandi wânthu wakwenda uku na uko ndipo wâkuti ichi ntchinonono, kweni, icho chikupanga mphambano yiriyose yayi, ili likukusunga iwe wakuvikilirika. Icho ndi chinthu cheneko, kukusunga wakuvikilirika. Wâkuti, “Iwe ndiwe wakachitiro kakale,” kweni, icho chirije kanthu, ili likukusunga iwe wakuvikilirika.

      “Enya,” wakati, “kasi ise tichitenge vichi?”

<sup>198</sup> “Viri makora,” wakati, “Ine ndikuphalirenge iwe icho ise tichitenge. Ise timutorenge mwana, ndipo ise tiŵenge na kulayirana pachoko. Ndipo ise timutorenge mwana ndipo timuwikenge iyo mkati umu, na kumuŵika iyo kuwaro mu Mronga Nile.”

<sup>199</sup> “O! Yayi! Yayi! Yayi! Amram, iwe umuwikenge yayi mwana withu kuwaro mu mronga.”

<sup>200</sup> “Enya! Enya! Ine nkhumanya icho ine nkuchita.” Wonani, iyo wakaŵa na loto, iyo wakamanyanga chakuchita. Wonani, Chiuta wakamuphalira iyo. Iyo wakamanyanga chakuchita. Iyo wakapanga aka, ndipo iyo wakawona kuti aka kakaŵa

chithuzithuzi chenechira cha ngaraŵa iyo yikaponoska Nowa kale kula mu nyengo yake.

<sup>201</sup> Ntheura iyo wakati, “Laŵiska kuno, ine napanga kachibowo kachoko pachanya pa aka, mwakuti iyo wangamanya kuthuta. Wona, iyo wangamanya kupokera kuŵara kwa zuŵa mula.”

<sup>202</sup> Ndipo imwe mukumanya, ngaraŵa mu Baibolo Lakale, kale chomene kula, iyi yikapangika munthowa yeneyira. Ndipo iyi yikawa na chibowo nkhanira pachanya pa iyi, ntheura imwe mukamanyanga kulaŵiska mkat, imwe wonani, na penepapo iyo wakayenera kulaŵiskira kuchanya.

<sup>203</sup> Ntheura pamanyuma mwana muchoko uyu wachitima, wambura zina, wakaŵavye nanga ndi zina lirilose; muchoko, mwana wambura zina, ndipo kweni mwana muchoko wakutowa chomene mu charu.

<sup>204</sup> Usiku wakurondezgako, para iwo ūwakati ūwafika, ndipo iwo ūwakalindizga mpaka pafupifupi firii koloko mlenji, ndipo pamanyuma iwo . . . Iyo wakwiza. Iyo wakawa kuti wamarizga kupemphera. Iyo wakwiza, ndipo iyo wakati, “Sono pulika, Jochebed, wuka!”

<sup>205</sup> Ndipo ntheura iwo ūwakuwuska Aaron muchoko na Miriam muchoko. O, iyo wakwiza ndipo wakunyoroska mawoko ghake, iyo wakati, “Adada!” Miriam muchoko, iyo wakati, “Imwe ntha mumutorenge mdumbu withu muchoko, mwana, muchitenge imwe, na kukamuŵika iyo mu Nile uko kuli ng’ona zose zakale zira?”

<sup>206</sup> Ndipo iyo wakakankhira kumanyuma sisi lake lichoko ngati *ntheura*. Ndipo iyo . . . Iyo wakawa na maso ghakutowa, na sisi lichoko lakutowa. Ndipo ntheura iyo wakamufyofyontha iyo ku lwande la thama. Iyo wakati, “Wakutemweka, chikunipweteka ine, naneso. Chikunipweteka ine, naneso, kweni ise tikwenera kuchita ichi.”

<sup>207</sup> Imwe wonani, ūwasungwana na ūwanyamata ūwachokowachoko, nyengo zinyake ise tikwenera kuchita vinthu ivyo vikuŵa ngati vikutipweteka ise, kweni ise tikwenera kuchita ichi, munthowa yiriyose. Para ūwasungwana ūwakuti, “Heyi, kasi iwe ukakhweŵapo ndudu?”

Iwe uyowoyenge, “Yayi.”

<sup>208</sup> “Enya, yezgapo yimoza! O, ine ndine mubwezi wako, iwe ukumanya. Enya, iwe yiyezge iyi.”

<sup>209</sup> Kweni iwe, ichi panyake chikupwetekenge pachoko, kweni yowoya, “Huh-uh. Ine nkuyikhumba yayi iyi.” Mukuwona? Mukuwona? “Ine nkuyikhumba yayi iyi.”

Wakuti, “Kasi iwe ufikenge, tirute ku filimu na ine mise agha?”

<sup>210</sup> “Yayi, yayi. Huh-uh. Ine nkuyenda ku mafilimu yayi.” Mukuwona? Ichi panyake chingakupweteka pachoko waka. Mukuwona?

<sup>211</sup> “O, iwe ndiwe waka wakachitiro kakale.” Reka kugomezga icho. Chingamanya kukupweteka pachoko waka. Razgako waka nkontho ku ichi; ndicho chinthu chakwenerera chakuti uchite, iwe wona. Nyengo zose chita icho, chita chinthu chakwenerera. Viri makora.

<sup>212</sup> Ndipo sono para ḫwasungwana ḫakusambira kuvina kuchoko kwa kunyanyamphira uku na vinthu ngati ivyo, ndipo ḫakukhumba kuti iwe uchite ichi; iwe ḫaphalire iwo, “Yayi, yayi.” Iwe ukuchita yayi ichi, wona.

<sup>213</sup> “O, enya, pali sangurusko likuru.” Iwe ukupwerera yayi kwali pali sangurusko likuru uli. Iwe ukukhumba kuchita icho ntchakwenerera, ntheura iwe nyengo zose ukuchita icho ntchiweme. Sono, imwe kumbukirani waka icho sono. Imwe muruwenge yayi ichi, muchitenge imwe?

<sup>214</sup> Sono, sono kasi iwo ḫakachita vichi? Iwo pamanyuma ḫakamutora mwana muchoko, ndipo ḫakiza nayo kula. Ndipo Aaron muchoko wakiza, iyo wakati, “Adada, kasi imwe muchitenge vichi na mwana wakwithu?”

<sup>215</sup> Iyo wakati, “Aaron, khala pachanya apa pa chipakato chane, wakutemweka.” Wakati, “Wona, Aaron. Usange ise timusungenge mwana, kasi ise tichitenge vichi?” [Gulu likuti, “Titayenge uyu.”—Munozgi] “Titayenge uyu. Kweni usange ise timuperekenge mwana mu mawoko gha Iyo uyo wakapereka uyu kwa ise, kasi ise tichitenge vichi?” [“Timusungenge uyu.”] “Ise timusungenge uyu.” Uwo mbunenesko.

“Kweni kasi imwe muchitenge uli ichi, adada?”

<sup>216</sup> “Ine nkhumanya yayi. Ine nkhumanya yayi umo ichi chichitikirenge, kweni Chiuta wachitenge ichi.” Mukuwona?

<sup>217</sup> Ndipo ntheura pamanyuma iwo ḫakamuŵikamo mwana muchoko mula, ndipo ntheura iyo wakuruta. Ndipo uku iwo ḫakuruta sono, iwo ḫakuruta ku muryango. Iwo ḫakukhilira ku muryango, iyo wakulaŵiska a-kudera *uku* kusika ku msewu, kudera *uko* kusika ku msewu. Kulije kulikose, kukwiza waliyose yayi. Wakati, “Zanga, Jochebed. Zanga, Aaron. Zanga, Miriam. Tiyenি tirutenge.”

<sup>218</sup> Iwo ḫakutora kangaraŵa kachoko ndipo ḫakukhilira ku makuni gha maluŵa pa mronga. O, nyengo yichali chomene pambere kundache. Ndipo apa wakwiza Aaron muchoko, kumanyuma kula wakorana na Miriam, mkulu wake muchoko na mlongosi, iwo ḫakaliranga. Ndipo Jochebed wachitima, iyo wakwiza kumanyuma, wakuti, “fwinkhu, fwinkhu, fwinkhu, fwinkhu.”

"Sh-sh-sh-sh-sh! Iwo wakulondera msewu. Chenjerani. Sh! Chenjerani." Wakuruta kukhiranga na msewu. "Sh-sh-sh! Chenjerani." Wanyamura mwana muchoko. Ndipo mama wakanyamura mwana, ndipo—ndipo dada wanyamura kangarawa.

<sup>219</sup> Iwo wafika ku mronga. O, ndi mronga ukuru chomene, wachiwiri pa yikuru chomene mu charu, pafupifupi. Ndipo nttheura, pamanyuma, mronga ukuru chomene, ndipo wankhongono, ndipo wakuzura waka na ng'ona zikuruzikuru zilara na wakawawa. O, vikaawa vyakututuwa. Whii! Iwo wakaviryeska wana wose wachokowachoko wara. Ivi vikatutuwa waka chomene. Ndipo—ndipo iyo wakuyowoya, Jochebed wakuyowoya kwa Amram, mfumu wake, wakati, "O, uli usange wakawawa wamusanga mwana? Uli usange ng'ona mkatı umu zamusanga uyu?"

<sup>220</sup> Wakati, "Kudandaula yayi. Usange ivi vikhwasiskenge mphuno zaho ku phula yura, ivi vichimbirenge, wonani. Ndicho chifukwa aka kakununkha, wonani. Iyo yikwezgenge mphuno yake muchanya," wakati, "iyo yipulikenge fungo la thupi la munthu yayi, wantheura iyo yifumengepo waka. Phula yura wanunkhenge ueheni chomene mpaka ivi vichimbilirenge kutali. Uyu waewenge makora. Kudandaula yayi iwe." Nttheura iwo... Ndipo kula wakukaawika pasi aka, kangarawa kachoko. Ndipo iyo wakati... "Sono iwe umuwonkheske mwana."

<sup>221</sup> Nttheura mama wakumutora mwana ndipo wakumuwonkheska uyu, ndipo iyo wakumuwonkheska mwana mpaka uyu wapokera chakurya chake chamlenji, mlenji chomene. Ndipo nttheura iyo [M'bale Branham wakupanga chiwawa cha mufyofyontho—Munozgil] wakumufyofyontha uyu. Ndipo wakati, "Sono, Aaron, iwe ungamanya kumufyofyontha uyu." Ndipo Aaron wakumufyofyontha uyu. Ndipo pamanyuma wakumupereka uyu kwa Miriam, ndipo iyo wakumufyofyontha uyu. Ndipo mama wakumufyofyontha uyu, ndipo, "O," iyo wakati, "Ine mbwenu..."

<sup>222</sup> "Sono, sh-sh-sh! Sono tegherezzani, ise tikwenera kuti tiwe wasirikali. Mukuwona? Ise tikwenera kuti tiwe wasirikali. Sono kasi imwe mose mukukhumba kuti mumufyofyontheso uyu?" Iwo wose wakumufyofyontha uyu, mwakupizgirana, kamozaso. Pamanyuma iwo wakumuwika iyo mkatı mula.

<sup>223</sup> Ndipo mama wakapanga kabulangeti kachoko, ndipo wakaawikapo pa uyu, na kapilo kachoko. Iyo wakaawika mwenemula. Iyo wakati, "Mwana wane muchoko wakutemweka, Chiuta wakutumbike iwe."

"Sh-sh-sh! Sono, Chiuta wamupwerererenge yura. Kudandaula yayi."

<sup>224</sup> Wakajarapo chibenekerero chichoko chira. Ndipo chinthu chakudankha imwe mukumanya, dada wakuyamba kuvura

chikhoti chake, wakuvura shati yake. Apa iyo wakuruta, wakwenda wakunjira mu maji.

<sup>225</sup> Kasi imwe mukughanaghana kuti Kuchanya kukuchitika vichi, chamudera mu nyengo iyi? Aleluya! Imwe mukumanya, para vinthu vikuchitika pano pasi, chiripo chinyake chikuchitika kuchanya Kula, nakoso. Amen! Ine nkhumanya kumuwona Chiuta wakunyamuka pa Chizumbe Chake, wakwenda, wakuti, “Gabriel! Gabriel! Kasi iwe ulinkhu?”

Gabriel wakuti, “Ine ndiri pano, Fumu.”

<sup>226</sup> “Zanga kuno! Ndikuwoneskenge chinyake iwe!” Wakati, “Mose imwe Wāngelo zani kuno, miniti pera, Ine nkukhumba kuti ndimuwoneskeni chinyake imwe. Ine ndiri na wānthu awo wākundigomezga Ine. Enya, Ine ndiri nawo wānthu awo wākundigomezga Ine. Zani kuno, miniti pera! Ntchiweme kwa imwe mose Wāngelo, laŵiskani pa ichi. Wonani!”

“Kasi ichi chirinkhu?”

“Nkhanira pasi kula. Wonani.”

“Enya, enya. Enya, Ine nachiwona ichi.”

<sup>227</sup> “Laŵiskani nkhanira pasi kula. Mukuwona kumphepete kwa ghara—ghara—mautheka ghara kula, makuni gha maluŵa ghara na vinthu?”

“Enya.”

“Wonani kula!”

“Kasi ntchichi ichi?”

<sup>228</sup> “Kuli mwanarumi wali na mawoko ghake muchanya mu mphepo, pa makongono ghake, wakuchema pa Ine. Kuli mama wakulira, na wāna wāchokowāchoko wāwiri wākulira. Iwo wākundigomezga Ine kufika ku umaliro kweneko. Gabriel, iwe ukukumbukira para iwe ukati wanjira? Iwe wamukumbukira mwanarumi yura?”

<sup>229</sup> “Enya, ine nkhamuyowoyeska iyo. Uh-huh.”

<sup>230</sup> “Iyo wachali kundigomezga Ine. Ine ndiri nawo wānthu awo wākundigomezga Ine! Ine ndiri nawo wānthu awo wāndigomezgenge Ine kufika ku umaliro!” [M’bale Branham wakutimba pa gome kankhonde na kamoza—Munozgi] “Mukumuwona iyo? Muwoneni iyo.”

“Enya, o, kasi ntchikanga yayi chira!”

<sup>231</sup> Dada wakwenda mu maji, wakuyamba kukarekezga kaboti kachoko.

Ine nkhumanya kumupulika Iyo wakuti, “Gabriel!”

“Enya, Fumu?”

<sup>232</sup> “Chemeroapo Ḧangelo teni sauzandi pa chakuchitika. Ḩapase dongosolo la mayendero sono nthena. Chema mpingo wa Kuchanya ufume. Ḩatume wose pachanya-na-pasi, ḫandandike mu vyakutchingira masitepu ghakuruta Kuchanya, ndipo uwaŵike wose pachanya-na-pasi kufika ku Nile. Ine nkhalangura kuti paŵavye ng’ona yimukhwaskengenye! Kulije chimukhwaskenge uyu! Ntha ungazomerezganga nanga ntchipitika cha khuni chisenderere kufupi kwa uyu.” Aleluya!

<sup>233</sup> Gabriel wakati, “Ichi chichitikenge.” Mwe! Iyo wakalizga mbata! Ḩangelo teni sauzandi ḫakafika ḫakunozgeka!

“Payiloti. Kasi Imwe muŵenge nkhu, Fumu?”

<sup>234</sup> “Ine ndiŵenge ku umaliro unyake.” Iyo nyengo zose wali kwakufikira. “Ine ndilindizgenge ku umaliro unyake. Ine ndiri nacho chakulinga. Para wantru ḫandigomezgenge Ine, Ine ndiri nacho chinyake, chakulinga; ichi chiŵenge makora na iwo.” Viri makora, Iyo wakukhilira ku umaliro unyake.

<sup>235</sup> Ine nkhuwona Moses...panji Aaron muchoko na iwo, ḫakuwera ḫakukwera msewu, wakulira. “Sh-sh-sh-sh-sh! Wonani ichi.”

<sup>236</sup> Ndipo Miriam muchoko, iyo wachali chiyimirire, wakulaŵiska. Iyo wakati, “O! O!”

<sup>237</sup> Wakati, “Zanga, Miriam, kukuyamba kucha. Zanga, ḫatambala ḫakulira kuti kwacha. Zanga, kukuyamba kucha. Zanga, wakutemweka, tiye tirutenge!”

<sup>238</sup> Wakati, “O, adada, adada! Chonde, kamoza pera. Ndizomerezgeni ine ndiyimilire waka, ndizomerezgeni waka ine ndikawona aka ndipo rekani ine niwone icho chichitikenge. Ine nifikenge kunyumba para pajumpha kanyengo.”

<sup>239</sup> “O,” [M’bale Branham wakalizga njowé yake—Munozgil] “ijo ndi fundo yiweme, Miriam. Ichi panyake chiŵenge makora. Iwe yimilira waka ndipo wona icho chikuchitika.”

“Viri makora, ine ndi—ine ndikalawisiskenge aka.”

<sup>240</sup> “Sono, iwe urute kunyumba mwaluŵiro para pajumpha kanyengo. Iwe uwone waka icho chikuchitika. Ndipo iwe wize, utinyamulire makani, icho chikuchitika.”

“Napulika, adada.” Ndipo ulendo iwo ḫakaruta, ḫakayenera kuti ḫafulumire.

<sup>241</sup> Miriam muchoko, iyo wayimirira ndipo wakulaŵiska. Chinthu chakudankha imwe mukumanya, kwayamba kungweruka. “O, o, o, kasi ntchivichi chikwiza kula? Ichi ndi—ichi ndi chipitika. Yayi. Kasi yura ndi kaŵawa? O, iyo wakang’anamuka.”

<sup>242</sup> Ha-ha! Kasi iyo wakawona vichi? Iyo wakuwona icho wantru ḫanandi ḫakuwona yayi. Mukuwona? Katundu muchoko yura wakarutanga, wakuyenjama wakuporota kula.

Iwo wakaghanaghana kuti uyu wakaŵavye payiloti waliyose; iwo wakaghanaghana kuti uyu wakaŵavye chirongozgi. Uyu wakâwa nayo. Iwo wose wakawungana zingirizge.

<sup>243</sup> Apa yikwiza ng'ona yichoko, yikuti, “O, laŵiskani kula!” Apa uyu wakwiza, wakuyenjama ngati *ntheura*. Iyo wakuruta... O, yayi. Yayi, yayi. Iyo wakutondeka kwiza kufupi ku katundu yura.

Mkati mula mukayimilira muwomboli, muthaski, Wayuda mamiliyon i ghatatu awo wâkakhumbikwanga kuwomboreka. [M'bale Branham wakutimba pa gome kankhonde—Munozgil] Viŵanda vyose mu gehena vikatondeka kumukhwaska iyo. Kakuyenjama kakukhira, kangaraŵa kachoko aka kakupangika na phula, kakuruta pa mronga.

<sup>244</sup> Chinthu chakudankha imwe mukumanya, aka kanjira mu mweza. “O!” Miriam wakati, “O! O! Laŵiskani chira! Mweza ula, laŵiskani aka! Laŵiskani aka ngati *ntheura*!” Chinthu chakudankha imwe mukumanya, mbwenu pa nyengo yimoza aka kakafumamo.

<sup>245</sup> Umo ndimo ichi chikuchitikira. Ise tikufika mu mweza, nyengo zinyake, kangaraŵa kachoko aka. Kudandaula yayi. Waliko Munyake wakulâwiska. “Wangelo ña Chiuta ñâwâzagingirizga iwo ñeneawo wâkumopa Iyo.” Wali nawo teni sauzandi ñali pa mndandanda wa kutumika sono.

<sup>246</sup> Miriam muchoko, iyo wakukhira kusika, iyo wakukwera pachanya pa libwe likuru ili, ndipo wakwenda mwakufulumira ngati *ntheura*. Ndipo iyo wakuchimbila kusika, iyo wakukawona kangaraŵa. Ndipo kakuruta kukhilira *uku*, ndipo kakuruta kujumpha mu makuni ghanandi gha maluŵa. Pakati pajumpha kanyengo aka kaphatira kula. Wakuti, “O! O, ine nazizwa!”

<sup>247</sup> (Sono, dada wake wakamuphalira iyo, wakati, “Ungazomerezganga yayi munyake wakuwone iwe ukukawonerera aka. Usange munyake wafika, chita waka ngati kuti iwe ukulâwiskako yayi ku aka, ruta waka nthowa yinyake. Ntha—ntha ungachitanga ngati kuti iwe ukulâwiskako napachoko pose, rutirira waka kwendanga.” “Napulika,” iyo wakayowoya.)

<sup>248</sup> Iyo wakukhilira kumusi mumphepete mwa mronga. Aka kaphatira. Chinthu chakudankha imwe mukumanya, kuli gulu likuru la ñalovi. Ndipo iyo wakuchita waka ngati kuti iyo ndi msungwana muchoko wakwenda wakukhira. Chamudera, mu teni koloko mu muhanya sono, imwe mukumanya, *ntheura* iyo wakarutirira waka kukhiranga na mronga. Ndipo jiso lake likalaŵiskanga kumanyuma, chamumphepete, wawone uko aka a-kakuruta.

<sup>249</sup> Pakati pajumpha kanyengo iyo wakujumpha gulu linyake. Wakurutirira waka kulawiskanga; kakuruta pataliko pachoko. Kakurutirira kwendanga, kurutanga kataliko pachoko.

<sup>250</sup> Pakati pajumpha kanyengo iyo wakufika ku chiliwa chikuru. “O, mwe, aka kakunjira mkaati kuseri kwa chiliwa ichi!” Kasi iyo wachitenge vichi? Iyo wakumanya yayi chakuti wachite. Ntheura iyo wangakwera yayi chiliwa, ntheura iyo wakwenda waka mu maji ndipo wakudukira waka pa ichi ngati *ntheura*, ndipo wakukhwa wa pachanya. Iyo wafika kuseri kula, ndipo iyo wakurutirira kwendanga.

<sup>251</sup> Chinthu chakudankha imwe mukumanya, iyo wali mu munda wakutowa. Maluwa ghakuwara palipose, ndipo nkhwakutowa chomene. Sono tegherezgani pachoko waka. Sono wonani, mwawasungwana wachokowachoko. Maluwa ghakutowa, ndipo, o, makuni ghose ngakunthenera. Uku kukawoneka kwakutowa chomene! Ndi kwakuchezgera. “O,” iyo wakati, “lawiskani kula, pa icho! O, mwe! Ine ndiri mu malo ghakuchezgera ku nyumba yaufumu, nyumba yaufumu ya Faro, mu malo ghakuchezgera. Kasi ine nichitenge vichi kuno? Usange iwo wanaganisanga ine mkaati muno, o, mwe, kasi iwo wanichitenge vichi ine?”

<sup>252</sup> Ndipo iyo wakulawiska. Kula kakuruta kangarawa kachoko, ndipo kakuwa ngati kayimilira kula mu maji, ndipo kakwamba kuyenjama mwakuzingilira penepara, kula mu maji. Ine nkuzizwa ntchifukwa uli. Ndipo iyo wakupulika munyake wakuyowoya. Iyo wakuwerera kumanyuma kusi kwa vivwati. Iyo wakhala pasi, ndipo wakalawiska mwakupenja ngati *ntheura*, imwe mukumanya, Miriam muchoko wayamba kulawiska mwakupenja, wakawona aka.

<sup>253</sup> Chinthu chakudankha imwe mukumanya, uku kukwiza wanarumi wanyake wakuru wankhongono wafipa wanyamura chiambulera ngati *ntheura*. Ndipo wantchito wakwiza kumanyuma, ndipo iwo wakwimba. Ndipo uku kukwiza mwanakazi, ndipo iyo wali na chibangili chikuru cha golide ku mutu wake, chiri na njoka yikuru na mlomo wake wakujurika (ngati *ntheura*) kunthazi kwa ichi. Ndipo iyo ndi mwanakazi wakuwoneka makora, ndipo iyo wafika. Iyo wavwara minjilira yakutowa chomene, na vinthu. Ndipo ine nkhumupulika yumoza wa wantchito wakuti, “Wakutumbikika, kasi imwe mukughanaghana kuti maji ghawenge ghakufunda mlenji uwu?”

<sup>254</sup> Miriam wakati, “Wakutumbikika?” O, yura wakwenera kuwa wakuchindikika, ipo ine nkuyenera kuti ndiri mu malo ghakuchezgera. Ndipo usange iwo wandsanga muno ine, kasi iwo wandichitenge vichi ine?”

<sup>255</sup> Viri makora, iyo wakwiza kwenekula, ndipo wanarumi awa wakuru wafipa wanyamura mzati ngati *ntheura*, wakwenda

kurazga ku mphepete kwa maji ngati *ntheura*, ndipo iyo wakuvura skapato zake. Ndipo wantchito yumoza wakawâna vyakupuputira, ndipo wânyake wâkawâna sopo. Ndipo iyo wakarutanga kula kukageza mlenji. *Ntheura* iyo wakukhilira kula ndipo wakuyamba kuti—kuti wanozgekere kuyamba kugeza. Iyo wakuvura skapato zake. Iyo wakati, “Ine nibizgenge njoŵe zane mu maji ndipo niwone usange ngakufunda. O, ngaweme waka, mbwenu . . . Kasi nkhavichi patali kula?”

<sup>256</sup> “O!” Miriam, Miriam muchoko wakati, “O! Uh-oh, iyo wakawona kangaraŵa kala.”

“O,” iyo wakati, “kasi yira ndi ng’ona?”

<sup>257</sup> Yumoza wa wânarumi wâra wâkuru wânkhongono wakati, “Miniti pera, ine ndifufuzenge.” Khavwa, khavwa, khavwa, wakwenda wakunjira mu maji. Wakanyamura aka ngati *ntheura*, ndipo wakwiza nako. Wakati, “Wakuchindikika!” Wakupereka aka kwa wantchito. Ndipo wantchito wakutora aka ndipo wakupereka aka kwa iyo ngati *ntheura*, ndipo iyo wakukakhazika pasi aka.

<sup>258</sup> Iyo wakati, “Kasi nkhavichi aka? Whii, kakununkha! Kali na phula palipose. Laŵiskani apa, iko kali na kachibowo pachanya pa aka.”

<sup>259</sup> Ndipo Miriam wakati, “O! O, kula wakuruta mdumbu wane muchoko! Kula wakuruta mdumba wane muchoko!”

<sup>260</sup> Ndipo *ntheura* iwo wâjura aka ngati *ntheura*. “O, wanguŵa mwana!” Ndipo uyu wakayamba . . . Mwana muchoko wakutowa chomene mu charu! Ndipo, o, Chiuta Uyo wakamanya kupangiska thinkho, wakamanya kupangiska chitemwa; ndipo chitemwa chose icho Iyo wakamanya kuŵika mu mtima wa munthu, mama pa mwana, Iyo wakaŵika mu mtima wa msungwana yura. Ndipo iyo—iyo wakati, “Ndi yumoza wa wâ Chihe- . . . Ine nkhumanya icho chiriko. Ndi dada wane wankhaza yura! Iyo ngwankhaza chomene! Iyo wakachemeska wâna wose wâra wâ Chihebere kuti wâkomeke. Ndipo yumoza wa wâmama wâra waponya waka mwana wawo kuwaro, kukhazganga kuti uyu wamufika kulikose uko wangakafika. O, iyo ndi muheni! Enya, iyo wakomenge yayi yumoza uyu, chifukwa uyu ngwane.” Uh-huh, mukuwona umo Chiuta a-wakuchitira?

<sup>261</sup> Iyo wakamunyamura iyo, ndipo [M’bale Branham wakupanga chiwawa cha mufyofyontho—Munozgil] iyo wakumufyofyontha iyo. Ndipo mwana wakalira. Ndipo para uyu wakati walira, uyu wakakondwereska waka mtima wake. Iyo wakati, “Kanthu kachoko kachitima.” Wakati, “Ine ndimutorenge iyo ndipo ine ndimuchemenge iyo . . . Ine nimupenye zina iyo.” Ndipo kula ndiko iyo wakasangira zina lake.

<sup>262</sup> Kasi zina lake wakâwa njani? [Gulu likuti, “Moses.”— Munozgi] Moses. Ndipo Moses chikung'anamura “wakatoreka kufuma mu maji.” Mukuwona?

<sup>263</sup> Iyo wakati, “Sono ine ndimuchemenge iyo Moses, ndipo iyo waŵenge mwana wane ndamwene. Ine ndimusungenge iyo. Kweni sono,” iyo wakati, “kweni ine ndine msungwana, ine ningamupwererera yayi iyo. Ine—ine—ine ndirije nthowa yakumuryeskera iyo.” Iwo wakaŵavye mabotolo agha na vinthu nyengo yira. Wanakazi wâkakhweŵanga yayi ndudu ndipo ngati ndiumo iwo wâkuchitira sono, imwe wonani, na kujinanga iwoŵene. Ntheura wakati, “Enya, usange iwe ukumanya...” Wakati, “Kasi—kasi ine ndichite vichi?” Ntheura iyo wakati, “Ine...”

<sup>264</sup> Yumoza wa iwo wakati, “Ine nimuphalirenge imwe, wakuchindikika, ine nimusangirenge mwanakazi wakonkheska wa mwana winu.”

“O,” iyo wakati, “icho ntchiweme chomene.” Muchoko...

<sup>265</sup> Chinyake chikayowoya, Mungelo chiyimilire kula ku chivwati, wakati, “Miriam, apo pali mwâwi wako! Apo pali mwâwi wako!” Miriam muchoko wakachimbilirako. Wakati, “Kuyowoya chirichose yayi sono, kuvumbura yayi. Iwe urute ndipo uyowoya kuti iwe ‘wakumusanga wakumupwererera,’ ndipo urute ukatore mama wako.”

Napulika, ntheura iyo wakayowoya chira. Iyo wakati, “Wakuchindikika!”

<sup>266</sup> Sono, mwaumunthu, iyo nthena wakati, “Kasi iwe ukuchita vichi mkati umu?” Kweni, wonani, Chiuta wakaphimbanga chose ichi. Chifukwa? Iyo wakaŵa na Wângelo teni sauzandi pa mndandanda. Mukuwona? Ndondomeko yake yichitikenge. Iyo wakaŵa na Wângelo teni sauzandi wâkayimirira kula.

<sup>267</sup> Ntheura chinthu chakudankha imwe mukumanya, wakati, “Winu...”

Wakati, “Enya, wakutemweka muchoko, kasi iwe ukuchita vichi kuno?”

<sup>268</sup> Iyo wakati, “Ine nangumuwonani waka imwe muli na mwana.” Wakati, “Ine nkhumanya uko kuli mama muweme uyo wangamanya kumupwererera mwana winu.”

<sup>269</sup> Iyo wakati, “Ruta, ukamutore iyo, ndipo ukamuphalire iyo kuti ine ndimpenge iyo firii handiredi dolazi pa sabata kuti wapwererere mwana uyu, ndipo ine nimupenge iyo vipinda vyose mu nyumba yaufumu. Ndipo usange iwe ukumanya uko kuli mwanakazi wa Chihebere, uyo ndi mwanakazi wakonkheska, uyo wangamanya kuwonkheska mwana uyu, uyu ndi mwana wane.”

Wakati, “Enya, bwana, ine nakumutorerani yumoza.”

<sup>270</sup> Wakati, “Sono, lindizga miniti pera! Pambere iwe undanjire mu nyumba, iwe ukwenera kuti uŵe na nambala yachisisi. Wona, iwe ukuyimanya yayi nambala yachisisi. Dazi lirilose ise tikuŵa na nambala yachisisi. Sono, nambala yachisisi muhanyauno, imwe mukumanya kasi yikâwa vichi? ‘Foloko na mtolo wa utheka.’” Wakati, “Icho ndicho iwe ukwenera kuti ukayowoye kuti ukajumphe pa chipata.”

<sup>271</sup> Ntheura Miriam muchoko wauyamba wakuruta kunyumba, mwankhongono umo iyo wakamanya kuchitira, ndipo wakuduka chiliwa, kukhilira ku msewu, na kukhilira kudera *uku*, na kukhilira kudera *uku*, ndipo mwankhongono umo iyo wakamanya kuchitira. Iyo wakanjira mu nyumba wakuchimbira.

<sup>272</sup> Ndipo—ndipo Amram wakaŵa kuti wafika waka ku nyumba, na Jochebed. Ndipo, o, iwo ŵakaŵa na chitima, kuziwanga icho chikachitikanga. Iyo wakati, “Mwana wane wachitima! Mwana wane wachitima!” Iyo . . .

<sup>273</sup> Iyo wakati, “Sono tegherezgani waka.” Wakati, “Ine nangupulika waka kanyengo kachoko kajumphha kusika kula pa msewu, ndipo mama wachitima yura wapangiska waliyose wakucheuka dazi lose. Iwo ŵangwiza mu chigaŵa ichi mlenji uwu, ndipo iwo ŵaphwanya mutu uliwose wa mwana uyo wanguŵa mu chigaŵa.” Ndipo wakati, “Umo iwo ŵakaliriranga na kutengera! Sono, nkhumanya yayi, mwana wako, kulikose iyo wali. Uko kuli mwana withu, Chiuta wamupwererenge uyu.”

<sup>274</sup> Nkhanira nyengo yeneyira chinyake chikachitika . . . [M’bale Branham wakutimba pa gome kanayi—Munozgil] “O! O! Awo ūfika, pa muryango sono.” Ntheura, iwo ŵakaruta ndipo ŵakalaŵiska. Yayi, ŵakaŵa iwo yayi. Wakâwa Miriam.

<sup>275</sup> Iyo wakati, “O! O, Miriam! Zanga, wakutemweka! Kasi kukachitikachi kwa mwana?”

Iyo wakati, “Mama, ine ndaziya chomene.”

Wakati, “Kweni kasi kukachitikachi kwa mwana?”

<sup>276</sup> Wakati, “Ine ndakhala pachoko kuzinduka, amama.” Wakati, “O, yirumbike Fumu! Aleluya! Ine ndakhala pachoko kuzinduka, amama.”

Wakati, “Kweni kasi kukachitikachi kwa mwana?”

<sup>277</sup> Wakati, “Amama, ine ndaziya chomene kuti ine ningamanya kurya chirichose mu nyumba.”

<sup>278</sup> Wakati, “Ise tikutorerenge chinyake chakuti urye, kweni kasi kukachitikachi kwa mwana?” [M’bale Branham wakutimba pa gome katatu—Munozgil]

<sup>279</sup> Wakati, “O, mwana wali makora waka, amama. Ndipaseni chinyake chakuti ndiryie. O, ine ndakondwa chomene!”

“Kweni kasi kukachitikachi kwa uyu?”

<sup>280</sup> “Enya, ndipaseni chinyake ine chakuti ndirye, ine ndakhala pachoko kuzinduka.” Kasi imwe mungalingalira icho?

<sup>281</sup> Iwo âwaki, “Miriam! Aâwa ndi amama na adada âwako. Kasi mwana walinkhu?” [M’bale Branham wakatimba pa gome katatu—Munozgi]

<sup>282</sup> Iyo wakati, “Amama, ine nangumuphalirani imwe. Mwana, ine nangumuwona uyu, ndipo wali makora. Sono, amama, ndipaseni chinyake chakuti ndirye; ine nkuzinduka. Imwe mukumanya, ine—ndakhala pachoko waka kuzinduka.” Umo imwe mukuŵira para mwafika kunyumba kufuma ku sukulu, imwe mukumanya; o, mukwenera kuti muŵe waka na chinyake.

Ntheura, iyo wakaruta ndipo wakamutorera chingwa chakuŵikamo nyama. Wakati, “Sono ndiphalire ine.”

<sup>283</sup> Ndipo iyo wakatenge, “Yum, yum, yum,” wakurya, imwe mukumanya, ngati ntheura. Wakati, “Amama?”

Wakati, “Enya, kweni kasi kukachitikachi kwa mwana?”

<sup>284</sup> “Chifukwa,” wakati, “amama . . .” Iyo wakâwaphalira iwo nkhanî. Ndipo wakati, “Amama, imwe rutani mukatore malaya ghinu ghapachanya chomene, ndipo mupakire sutikesi yinu, chifukwa imwe mukuruta kukapwererera mwana.” O! O! O!

“Vichi?”

<sup>285</sup> Usange imwe mukuwtaya uwu, imwe muwusangengeso uwu. Ndi unenesko uwo? Usange imwe mukuwsunga uwu, imwe muwutayenge uwu. Usange imwe mukuwpereka uwu, kuwutaya uwu, imwe muwusangenge uwu. Ndi unenesko uwo?

<sup>286</sup> Ndipo Miriam muchoko a-wakuryanga waka. Wakati, “Enya.” Wakati, “Imwe mukuruta ku nyumba yaufumu muhanyauno. Ndipo icho pera yayi, kweni imwe mukuruta, mwamupokera, mwamupokera firii handiredi dolazi sabata yiriyose, na vipinda viweme chomene mu charu, kuti mukapwererere mwana winu mwâwene.”

<sup>287</sup> Nyengo yakudankha mu mudauko wose wa charu uko mama wakalipirika pa kupwererera mwana wake yekha. Mukuwona umo Chiuta wakuchitira ichi? [M’bale Branham wakukuŵa mawoko ghake katatu—Munozgi] Aleluya! Kupwererera mwana wake yekha, na kupokera firii handiredi dolazi sabata yiriyose, na vipinda viweme chomene mu charu. Chiuta wakuchita vinthu, wakuchita yayi Iyo? Kasi kupemphera kuli na phindu? [Gulu likuti, “Enya.”] Kasi ntchiweme kupempheranga? [“Amen.”]

<sup>288</sup> Ntheura, iyo wakapakira sutikesi yake yichoko. Ise tifulumirenge sono, ise tijarenge mu miniti pera. Ntheura ise . . . Iyo wakapakira sutikesi yake, ndipo ulendo pa msewu iyo wakaruta, mwankhongono waka umo iyo wakamanya kuchitira. Ndipo chinthu chakudankha imwe mukumanya, iyo wafika;

mlonda mukuru wayimirira apo na mkondo wake ukuru, wakati,  
“Ndinjani wakuruta uko?”

Iyo wakati, “Foloko na mtolo wa utheka.”

“Wajumpha.” Mukuwona umo Chiuta wakuchitira vinthu?

<sup>289</sup> Wakaruta kwa mlonda munyake. Kula iyo wakasolara lupanga lake, wakati, “Ndiwe njani? Ndinjani wakuruta uko?”

Wakati, “Foloko na mtolo wa utheka.”

Wakati, “Jumpha.” Mwe! Mukuwona umo Chiuta wakuchitira vinthu?

<sup>290</sup> Wakuruta wakukwera, wakulingizga mu nyumba yaufumu; wakunyamuka, ndipo ḫakuchindikika wose ḫauka, ḫakusolora malupanga ghawo. “Ndinjani wakuruta uko?”

Wakati, “Foloko na mtolo wa utheka.”

“Wajumpha wanjira mkati.”

<sup>291</sup> Chinthu chakudankha imwe mukumanya, mwanarumi wakiza, wakati, “Kasi ndiwe dona muchoko uyo wakutumbikika wakulindizga?”

“Enya.”

<sup>292</sup> “Ndipo kasi uyu ndi wakonkheska mwana uyo wasangika mlenji uwu?”

“Enya.”

<sup>293</sup> Wakati, “Enya, njira nayo mkati.” Ntheura iyo wakunjira na mwana . . . panji wakunjira na mama.

<sup>294</sup> Ndipo—ndipo a—fumukazi muchoko wakafumira kuwaro, ndipo iyo wakati, “Kasi iwe ukumanya chirichose za ḫana?”

Iyo wakati, “Enya, wakutumbikika.”

Iyo wakati, “Muwone mwana uyu. Ngwakutowa yayi iyo?”

“Enya, wakutumbikika. Enya.”

Wakati, “Kasi iwe ukumanya kupwererera mwana?”

“Enya, wakutumbikika. Nkhumanya.”

<sup>295</sup> “Enya,” iwo ḫakati, “Ine ndikupenge iwe, malipiro ghako ndi, firii handiredi dolazi sabata yiriyose.” Hum! Kasi Chiuta wakaŵa muweme yayi? Ndipo wakati, “Ndipo iwe uli na vipinda viweme chomene mu nyumba yaufumu, ndipo vyakurya vyako vizenge kwa iwe. Iwe ntha ukwenera kuti urutenge kuwaro na kukaphika vyakurya vyako wamwene.” Wakati, “Sono, mwana ndi uyu, mupwererere. Kumuwiska yayi uyu.”

“O, kudandaula yayi, ine ndichitenge yayi. Kudandaula yayi, ine ndimuiskenge yayi uyu.”

“Iwe umupwererere makora chomene uyu.”

<sup>296</sup> “Kudandaula yayi imwe, ine ndichitenge. Uyu waŵenge na kupwererera kuweme chomene.” Nadi, uyu wakaŵa

wake yekha, wonani. “Ine ndimupenge chisamaliro chiweme chomene.”

“Iwe ukuwona uyu ndi mwana wakutowa?”

“Wakutowa chomene,” iyo wakayowoya.

“Viri makora.”

<sup>297</sup> Wakajarako chijaro, pa Miriam, na mama wake, na Moses muchoko. Ndipo para chijaro chikati chajarika, iyo wakalaŵiska palipose zingirizge. Iyo wakati, “Tsk-tsk-tsk! Ndipo iyo wangughanaghana kuti iwe wanguŵa mwana *wake*. Ha-ha-ha-ha-ha!” O, mwe! Iyo wakamuviniska uyu.

<sup>298</sup> Kasi iyo wakachita vichi? Iyo...Usange iyo wakamusungenge uyu, kasi iyo nthena wakachita vichi? [Gulu likuti, “Wakataya uyu.”—Munozgi] Chifukwa, iyo wakapereka uyu kwa Yumoza Uyo wakapereka uyu kwa iyo, ndipo iyo (vichi?) wakamusanga uyu, ndipo iyo wangamanya kumusunga uyu. Sono kasi chikuchitika ntchichi usange ise tataya... Usange ise tasunga uzima withu, kasi chikuchitika ntchichi? [“Ise tiwutayenge uwu.”] Ise tiwutayenge uwu. Ndipo usange ise tikupereka uwu kwa Yumoza Uyo wakapereka uwu kwa ise, kasi chichitikenge ntchichi? [Ise tiwusungenge uwu.”] Ise tiwusungenge uwu. Ndi unenesko uwo?

<sup>299</sup> Kasi mbalinga ŵa mose imwe mukukhumba kuti mwize ku guwa na kuromba? Kasi imwe mukhumbenge kuchita ichi? Kasi imwe mukhumbenge kuti Yesu wamupwererereni ngati ndiumo Iyo wakachitira kwa iwo, mwana muchoko? Uli...Tiyeni tose, mwaŵana ŵachokowachoko, zanine ku guwa uku sono. Kasi imwe muchitenge ichi? Zanine nkhanira kufupi, gwadani pa guwa. Tiyeni tirombe, imwe mose. Mwaŵana ŵachokowachoko mose sono zanine kuno. Kasi imwe mwanguyitemwa nkhanî yane ya uyu? [Gulu likuti, “Enya.”—Munozgi] Kasi imwe mwanguyitemwa yira? Viri makora, sono imwe fikani nkhanira ku guwa. Sono zanine. Mwaŵana mose imwe ŵachokowachoko zanine, gwadani nkhanira pa guwa, gwadani waka nkhanira pasi apo pa—nkhanira apo pa guwa. Ndicho ichi. Mwaŵachokowachoko mose imwe kumanyuma, zanine kuno sono, ise tirombenge. Viri makora. Imwe mukukhumba kuti mwize na kuromba. Zanine ndipo gwadani pa guwa. Uwo mbunenesko. Sono, icho ntchiweme. Icho chiri makora waka.

<sup>300</sup> Sono, ŵamama, imwe mukukhumba kuti mwize, namweso, na mwaŵadada, imwe mose mukukhumba kuti mugwade mu nthowa?

<sup>301</sup> Sono ine nkukhumba kuti ndimufumbeni mwaŵana ŵachokowachoko imwe chinthu chinyake apa. Wonani. Kasi imwe mukugomezga kuti Yesu wakumutemwani ngati ndiumo Iyo wakachitira na Moses? Kasi imwe mukugomezga kuti

Ŵangelo wakumulonderani imwe ngati ntheura? Sono, Chiuta wakamupani imwe uzima, wakachita yayi Iyo? Sono, usange imwe mukuwusunga uzima winu, kasi ntchivichi chichitikenge ku uwu? [Ŵana ūakuti, “Tiwutayenge uwu.”—Munozgi] Muwutayenge uwu. Kweni usange imwe muwuperekenge uwu kwa Yesu mlenji uwu, ntheura kasi imwe muchitenge vichi? [Muwusungenge uwu.] Muti—muwusungenge uwu. Imwe mukukhumba kuti muwuponoske. Sono imwe mukukhumba kuti muwuponoske uzima winu, mukukhumba yayi imwe? Ndipo imwe mukukhumba kuti mukure kuŵa ūamama ūneko na madona gheneke, mukukhumba yayi imwe; na mwanarumi mweneko, ūapharazgi, na vinyake ntheura? Kasi imwe mukukhumba yayi kuchita icho? Sono, usange imwe mukukhumba, ipo perekani uzima winu kwa Yesu. Apa pali nthowa umo imwe mukuchitira ichi. Imwe yowoyani, “Wakutemweka Yesu, ichi ndicho ine nkuyenera kuti ndipereke kwa Imwe, ndi uzima wane, kweni Imwe mundisungirire ine ngati ndiumo Imwe mukachitira na Moses.”

<sup>302</sup> Sono, usange ūanyake ūa imwe mwaŵalara mukukhumba kuti mufike na kugwada, namweso, ūanyake ūa imwe ūamama, panyake, kuti imwe panyake mukhumbenge kuti mugwade apa mlenji uwu. Enya, ndakujurika kwa imwe, namweso. Usange imwe mukukhumba, zanine, gwadani nkhanira apa. Icho ntchiweme. Apa pali mama wakwiza na mnyamata wake muchoko. Kasi walipo mnyakeso?

<sup>303</sup> Wiske, dada, waliyose wa imwe, usange iwe ukukhumba kuŵa munthu wakupemphera ngati ndiumo Amram wakaŵira, iwe zanga, gwada, naweso.

<sup>304</sup> Mama, usange iwe ukukhumba kuŵa ngati Jochebed, chifukwa, iwe zanga, gwada, naweso.

<sup>305</sup> Nadi, ichi ntcha waliyose. Chifukwa (Vichi?) iwe uli na uzima, naweso. Usange iwe uwusungenge uwu, kasi kuchitikenge vichi? [Gulu likuti, “Muwutayenge uwu.”—Munozgi] Muwutayenge uwu. Ndipo usange imwe mwapereka uwu kwa Yumoza Uyo wakapereka uwu kwa imwe, kasi kuchitikenge vichi? [“Muwuponoskenge uwu.”] Imwe muwuponoskerenge uwu, kufika ku Umoyo wamuyirayira. Uwo mbunenesko. Sono, mwizenge yayi imwe, mose imwe mukukhumba sono, ndipo tiyen iwe na pemphero pamoza na ūachokowachoko aŵa, ndipo na ise, na tose sono.

<sup>306</sup> Dazi la ūamama, dazi liweme. Ndipo panyake usiku uwu, ine panyake nisinthenge chisambizo chane na kurutirira usiku uwu na kuyowoya icho mama yura wakachita, umo mama yura wakachitira. Iyo wakaŵa mweneuyo wakaphalira mnyamata wake muchoko kuti warongozenge wose ūa Israel kuruta ku charu chaphangano. O, iyo wakaŵa mama mweneko. Kasi iyo wakaŵa mama mweneko yayi? [Ŵana ūakuti, “Enya.”—

Munozgi] Sono, imwe muli na mama mweneko, namweso, ndipo mama wakumuromberani imwe. Iyo wakawa dada mweneko. Ndipo dada wakumuromberani imwe. Ndipo sono ise tose tipempherenge pamoza, ndipo timurombe Yesu kuti wativwire ise.

M'bale Neville, kasi ungfika iwe, ugwide nase pamoza?

<sup>307</sup> Ndipo tiyeni tose tisindamiske mitu yithu, palipose. Sono Mlongosi Gertie...[Wa pa piyano wakuyamba kulizga *Zaninge Nawo Iwo*—Munozgi]

<sup>308</sup> Wakutemweka Wadada Wakuchanya, yichoko iyi, nkhani yipusu muhanyauno, ya mazuwa ghakumanyuma ghali kujumpha, uko dada muneneska na mama, wakugomezga muneneska, wakiza kwa Imwe ndipo iwo wakamusopani Imwe. Iwo wakamugomezgani Imwe. Mukawa chitima mu charu pa nyengo yira. Ndipo kasi ise tikumanya uli kuti kulije Moses muchoko wasono wagwada muno mlenji uwu! Kasi ise tikumanya uli kuti kulije Miriam muchoko wasono wagwada muno mlenji uwu, nayoso, muprefetikazi!

<sup>309</sup> O Wadada Wakutemweka, wana wachokowachoko awa wakumutemwani Imwe, ndipo iwo wafika, wagwada pa mphinjika, kumanyanga kuti iwo wali na uzima uwo ukwenera kuponoskeka, ndipo iwo wakupereka uwu kwa Imwe sono. Pakuti ise taawazga waka mu Mazgu Ghinu, “Usange imwe mukuutaya uwu, imwe muwusangenge uwu; ndipo usange imwe mukuusunga uwu, imwe muwutayenge uwu.” Ndipo, Wadada, iwo wakukhumba yayi kusunga uzima wawo kwa iwoewene. Iwo wakukhumba yayi kujikhala umoyo kwa iwoewene. Iwo wakukhumba kuti wapereke uzima wawo kwa Imwe, ntheura mwakuti, pakuchita kuwupereka uwu, iwo wapokere Umoyo Wamuyirayira. Perekani, perekani ichi, Fumu.

<sup>310</sup> Tumbikani wose awa wanyamata na wasungwana wachokowachoko wali pa guwa. Tumbikani wamama na wadada awo wali muno mlenji uwu. O, nkhuroomba uchizi Winu wachitemwa na lusungu viwe pa iwo wose. Mutigowokere ise, Fumu, ku zakwananga zithu zose na kuperewera. Fumiskanipo urwari pakati pithu.

<sup>311</sup> Tumani Wangelo! Aleluya! Chiuta, Imwe Mwaweneimwe mukalangula Gabriel, ndipo Wangelo teni sauzaudi wakaruta pa ulendo, kasi ndi Wangelo wanandi uli wakwiza para iwo wakuwona wana wachokowachoko awa wakavu wagwada pa guwa ili mlenji uwu! Palipose zingirizge, pa guwa ili na mu tchalitchi ili, mwayimilira Wangelo wa Chiuta. Mungelo wakujambura wali muno, wakulembanga mazina ghawo mu Buku. Iwo wakutaya uzima wawo, mwakuti iwo wangausanga uwu mwa Khristu! Perekani ichi, Fumu.

<sup>312</sup> Nkhuroomba, kufumira dazi ili, na kunthazi, maumoyo ghawo ghachoko ghawé ghakunowa na ghakujikhizga.

Nkhuromba iwo wâwé wâna wâkupulikira ku wâpapi wâwo na ku Wadada wâwo Wakuchanya, kufikira dazi apo Imwe muzamkuwachemera iwo ku Nyumba. Warongozgeni iwo mu kulira kwawo kuchoko, kujumpha mu mweza uliwose wâkujumphamo. Nyengo yiriyose para aka kakuphatira mu vivwati, nkhuromba Wangelo wâ Chiuta wâkakankhire aka mu nkhongono ya chitemwa cha Chiuta. Perekani ichi, Fumu. Ndipo pa umaliro wa msewu, nkhuromba iwo wâsange Nyumba yachitemwa, na mama wawo na wâkutemweka wâwo kula mu Uchindami, uko Chiuta wayimirira mu chipata kuti waâwokerere, dazi lira. Perekani ichi, Wadada.

<sup>313</sup> Mutigowokere ise ku zakwananga zithu zose na majuvyo. Ndipo tivwirenî ise kufuma dazi ili kuti tiwé Wînu kwathunthu. Ise tikuperekâ wâna wâchokowâchoko âwa mu mawoko Ghinu sono. Ndipo wâmama âwa pamoza na iwo, Fumu, kuti iwo wâwé mtundu wakwenerera wa wâmama pa Dazi ili la Wâmama, nyengo iyi ya chikumbusko iyo yiri kuperekaka ku wâmama. Ndipo mphanyi iwo, kufumira dazi ili, wâwé wâmama wâweme. Mphanyi wâna wâwé wâna wâweme. Mphanyi ise tose tiwé wâweme, Fumu, na kumutumikiranî Imwe mwapakuru. Perekani ichi, Wadada, pakuti ise tikuromba ichi mu Zina la Yesu. Amen.

Sono tiyeni tiyimbe korasi yichoko.

<sup>314</sup> Kasi imwe mukugomezga Yesu wakamuponoskani imwe? Kasi imwe mukukhumba kuti Yesu wamusamalireni imwe sono, apo imwe mukuyimirira? Kwezgani muchanya woko linu kwa Iyo, ngati *ntheura* sono. Ine nkhukhumba kuti imwe mung'anamukire kwa dada na mama, na iwo wose. Ng'anamukiranî kudera *uku*. Sono lawiskani kuno, mama na dada. Mose imwe wâsungwana wâchokowâchoko na wanyamata yimiriranî. Sono, kasi ndimwe walinga mukumuzomera Yesu ngati Muponoski winu, ndipo imwe mumugomezenge Yesu kufuma sono na kunthazi, kuti wamupwererereni imwe ngati ndiumo Iyo wakamuchitira Moses muchoko, tiyeni tighawone mawoko ghinu ghakukwera. Waliyose wa imwe. Icho ntchiweme! Sono kasi kukachitikachi? Usange imwe mukuwusunga uzima winu, imwe mukuchitachi? [Gulu likuti, "Mukuwutaya uwu."—Munozgil] Mukuwutaya uwu. Kweni usange imwe mukuwuperekâ uwu kwa Yesu, kasi kuchitikenge vichi? ["Muwusungenge uwu."] Imwe muwusungenge uwu. Sono, uli usange Yesu wamutorani imwe sono mlenji uwu? Ndipo imwe ndimwe wa Yesu sono, ndimwe yayi imwe? Imwe ndimwe mynamata na msungwana muchoko wa Yesu.

<sup>315</sup> Wonani wâna wâchokowâchoko âwa wâyimirira uku na masozi. Mukundiphalira ine kuti Chiuta wakumanya yayi icho? Amen. Wanarumi na wânakazi wâ namachero! Yimiriranî.

Zaninge nawo kufuma ku vigawâa vyâ  
kwananga;  
Zaninge nawo, zaninge nawo,  
Zaninge nawo wânichi kwa Yesu.

O, Umo ine Nkhumutemwera Yesu, sono tiyeni tiyimbe!

O,

Imwe mose.

. . . umo ine nkhumutemwera Yesu,

Tikwezge mawoko ghithu muchanya sono.

O, umo ine nkhumutemwera Yesu,  
O, umo ine nkhumutemwera Yesu,  
Chifukwa Iyo wakadankha kunditemwa ine.

<sup>316</sup> Ntchiweme yayi icho? Sono, Yesu *Wakutemwa Wana Wachokowachoko Wa Charu*. Tipase chuni, mlongosi. Sono imwe mose ng'anamukira nkhanira kudera uku, kwa ine, imwe wâsungwana wachokowachoko. Ine nkukhumba kuti tiyimbe Yesu *Wakutemwa Wana Wachokowachoko Wa Charu*. Kasi mbalinga wakuyimanya iyi? Viri makora, tiyeni tiyimbe sono.

Yesu wakutemwa twana,  
Wana wose âwa charu;  
Waswesi na yelo, âwafipa na wazungu, iwo  
mbakuzirwa mu maso Ghake,  
Yesu wakutemwa twana twa charu.

<sup>317</sup> Sono, imwe mose muli mu gulu lankhondo sono. Kasi imwe mukamanyanga icho? Imwe mukumanya kuti muli mu gulu lankhondo la Chiuta? Sono, imwe lawiskani nkhanira kwa ine sono. Ndipo yimbani iyi na ine sono, chifukwa ndimwe wâsirikali sono. Kasi imwe mukumanya icho? Wâsirikali âwa mphinjika! Sono, *Ine Panyake Ndiyendenge Yayi* . . . Imwe mukuyimanya iyo? Viri makora. Viri makora, kale chomene, sumu yakale ya Sande sukulu iyo ine nkhasambira.

Ine panyake nthâ . . .

Sono imwe, pamozâ na ine sono. [M'bale Branham wakupanga vyakuchitika apo wakwimba *Ine Ndiri Mu Gulu la Wankhondo Wa Fumu*—Munozgi]

Ine panyake ndizamkwenda yayi mu gulu  
lankhondo,  
Kukwera pa kavalo, kuponya zida;  
Ine panyake ndizamuwurukapo yayi pachanya  
pa murwani,  
Kweni ndiri mu gulu lankhondo la Fumu.

Ndiri mu gulu lankhondo la Fumu,  
O, ndiri mu gulu lankhondo la Fumu!

Tiyeni pamozâ na ine sono. Tose pamozâ sono. Sono!

Ine panyake ndizamkwenda yayi mu gulu  
lankhondo,  
Kukwera pa kavalo, kuponya zida;  
Ine panyake ndizamuwurukapo yayi pachanya  
pa murwani,  
Kweni ndiri mu gulu lankhondo la Fumu.

<sup>318</sup> Imwe mukugomezga kuti mungayimba iyo pa imwemwekha? Zanga kuno, msungwana, zanga nkhanira kuno. Sono ine nkhukhumba kuti imwe mose murondezge vyakuchitika vyose ine nkuchita. Zanga, kumanyuma kwa guwa uku, sono. Zanine nkhanira kuno. Waliyose wa imwe, sendererani nkhanira kuno uko ine ndiri, wonani. Yendani kwerani kuno; paŵavye munyake wakhale kuwaro kwa guwa. Zanine nkhanira kuno na ine. Ndicho ichi. Yewo. Nkhanira ngati *ntheura*. Sono ng'anamukani ngati *ntheura*, laŵiskani ku gulu ili, ngati *ntheura*. Ndicho ichi. Ine nkhukhumba kuti ndimuwoneneskeni imwe icho wânyamata na wâsungwana wâchokowâchoko wâweme wâkuchita pamanyuma pakuti wâmumanya Yesu. Sono, zanine nkhanira kumanyuma uku, wânyamata na wâsungwana. Sono imwe ndimwe...Ndicho ichi. Sono laŵiskani kuwaro kula.

<sup>319</sup> Sono para ine nkuti, “Ine panyake ndizamkwenda yayi mu gulu lankhondo,” imwe...“kwenda mu gulu lankhondo,” imwe mwendenge, namweso. Para ine nkuti, “Ine panyake ndizamkwerapo yayi kavalo wankhondo,” imwe muchitenge vinthu vyaneivyo ine nkuchita. Sono khalani kumanyuma kutali na ine, kumanyuma chomene sono, kupanga malo. Kumanyuma chomene, kumanyuma chomene, sono imwe mwanzogeka. Sono tiyeni, tiyeni tiyimbe iyi. [M'bale Branham na wâna wâkupanga vyakuchitika apo wâkwimba—Munozgi]

Ine panyake ndizamkwenda yayi mu gulu  
lankhondo, (Wonani!)  
Kukwera kavalo, kuponya zida;  
Ine panyake ndizamkuwurukapo yayi  
pachanya pa murwani,  
Kweni ndiri mu gulu lankhondo la Fumu.

O, ndiri mu gulu lankhondo la Fumu,  
Ndiri mu gulu lankhondo la Fumu!  
(Nanozgeka!)

Ine panyake ndizamkwenda yayi mu gulu  
lankhondo,  
Kukwera kavalo, kuponya zida;  
Ine panyake ndizamkuwurukapo yayi  
pachanya pa murwani,  
Kweni ndiri mu gulu lankhondo la Fumu.

<sup>320</sup> Amen! Yimirirani waka chete. Kasi mbalinga wâyitemwa iyo? Yowoyani, “Amen.”

<sup>321</sup> Sono, Wadada Wakuchanya, tumbikani wana wachokowachoko awa muhanyauno. Iwo Mbinu, Fumu. Iwo wapereka maumoyo ghawo kwa Imwe. Iwo wapulika nkhani yichoko ya Moses na umo Imwe mukamuvikilirira iyo. Iwo wapulika za mama muweme na dada muweme awo wakawavwira iwo na kuwalera iwo. Ndipo ntheuraso wana wachokowachoko awa wali na wamama waweme na wadada. Ndipo ine nkuromba, Wadada, kuti Imwe muwasamalirenge iwo na kuwarongozga iwo kukhira mronga wa nyengo, ndipo nkuromba Wangelo wa Chiuta wa wavyikilire iwo. Perekani... Ndipo ntheura muwe ku chigawa chakuwapokerera, kuti muwapokerere iwo mu mazuwa ghaumaliro, Fumu, kunjira mu Ufumu Winu. Ise tikuromba mu Zina la Khristu. Amen.

<sup>322</sup> Sono imwe mungamanya kuwerera ku mipando yinu ndipo muwaphalire adada na amama umo imwe mukupulikira makora. Amen.

<sup>323</sup> "Mazuwa ghose gha kuyendayenda kwawo iwo wakarongozgeka." (Imwe mukuyimanya iyo, nayoso?)

...za kuyendayenda kwawo iwo  
wakarongozgeka,  
Kuruta ku charu chaphangano iwo  
wakarongozgeka;  
Na woko la Fumu mu urongozgi weneko,  
Iwo wakafika ku charu cha Kenani.

Waliyose!

Chimanyikwi cha moto na usiku,  
Ndipo chimanyikwi cha bingu na muhanya,  
Kuyendanga pachanya panthazi,  
Apo iwo wakendanga pa ulendo withu,  
Watiwenge murongozgi na mudangiliri,  
Mpaka tijumphe mapopa,  
Pakuti Yehova, Chiuta withu, mu nyengo Yake  
yiweme  
Wazamkutirongozgera ise ku kuwara  
paumaliro.

<sup>324</sup> Kasi mbalinga mbarwari mlenji uwu ndipo wakukhumba pemphero? Tiyeni tiliwone woko linu. Pakuwa kuti ise tachedwa pachoko, panyake ise tisinthirenge chisopo chithu cha machirisko ku usiku uwu, ndipo tipereke waka lizgu la pemphero sono, chifukwa ise tachedwako pachoko.

<sup>325</sup> Kasi imwe mwakondwera nayo nkhani yichoko? [Gulu likuti, "Amen!"—Munozgi] Imwe mukughanaghana kuti yanguwa yiweme ku wana wachokowachoko? ["Amen!"] Enya. Ise—ise tikuwareka kumphepete iwo mu nyengo zinandi. Ise tingachitanga ntheura yayi. Wonani, ine nkhuysanga yayi nyengo kuti ndisambizge Sande sukulu, ndipo mlenji uwu

yanguŵá nyengo kuti ndiyowoye kwa iwo. Ine nangukhumba yayi kumuvuskani imwe, kweni ine nakhumbanga kuti ndimuphalireni nkhani yichoko iyi.

<sup>326</sup> Kumbukirani, mwaŵana wachokowachoko, iyo ntha ndi nkhani yichoko yakale iyo imwe mukawazgapo kulikose. Uwo Mbunenesko. Uwo ndi Unenesko! Chiuta wakachita icho. Ndipo Iyo wali *namwe* sono. Viri makora.

<sup>327</sup> Tiyeni tisindamiske mitu yithu sono apo ise tikwimba sumu yithu yakupatukirana, mwakuzikitizga, “Yeghani Zina la Yesu na imwe, ngati chiskango ku murwani waliyose.” Viri makora.

Yeghani Zina la Yesu na imwe,  
Mwana wa chitima na wasoka. 

56-0513 Chisambizgo Pa Moses  
Branham Tabernacle  
Jeffersonville, Indiana U.S.A.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE  
P.O. Box 51453, LIMBE, MALAWI

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## **Chimanyisko chakukopera**

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuŵa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalamu kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

**VOICE OF GOD RECORDINGS, MALAWI OFFICE**  
**P.O. Box 51453, LIMBE, MALAWI**

**VOICE OF GOD RECORDINGS**  
**P.O. Box 950, JEFFERSONVILLE, INDIANA 47131 U.S.A.**  
[www.branham.org](http://www.branham.org)